

江津縣志卷一

地理志

疆域 交通

山脈 名勝

水道

土壤

水利

形勢

津梁



疆域

縣隸屬東川道

清隸川東道重慶府

在道西南百六十里

此水道陸道則百三十里

東西相距二

百四十里南北相距三百五十里東至綦江縣治百七十里交白渡界百

五十里西至永川縣治百二十里交倒馬坎

近雲谷關

界九十里南至貴州仁

懷縣治三百里交兩路口界二百里北至巴縣治百六十里交歧路舖

近巴

縣走馬崗

界六十里東至南川縣治三百六十里西南至合江縣治二百二十

里至成都省城千九十里至北京五千七百七十里

山脈

江津縣志

卷一

疆域 山脈

一

南岸山脈有四

一自貴州鮎水縣山岔起經四面山蜿蜒繞過嘉平八

政兩鄉至聖燈寺馬鞍山寫出一德鎮經鶴山艾新兩坪至鼎山聚寶山

抵縣城 一自鮎水大茅坡起由大坡華蓋山抵太平埂分二支東支由

大壩口東面經四序鎮風門壩至三才鎮西支由悅來場經大壩口西面

北行入四序鎮之黃泥場小水坪至羊滿嘴止 一自貴州婁山發脈至

雞公嶺北行至三角井高原分二支北支結福建燕頭張公人高諸山西

支結確窩刁家等山越涼風壩結上中下三滾子坪坪之東西白沙十全

兩鎮山脈在焉 一自綦江太公山蜿蜒北行經三才六合兩鎮越龍門

礮交巴縣界

北岸山脈有三 一自永川縣境黃瓜山來脈出五福鎮達朱沱 一自



永川縣境來脈經二郎尖西行至碑磔六合場分二支西南支經石筍山雲霧坪簸箕坪至大板橋正南支經永安場又分二支一東南行上天生門經聖鍾坪上過護國寺至土碓溪下過金鋼背一西南行出李家壩達周楊漑一自現龍場登雲山分二支南支經吳灘出游溪東北支經華蓋磔越二守鎮至老關口交巴壁兩縣界

名山

鼎山 縣南一里形如鼎

聚寶山 一名石子山縣南門外山多圓石

華蓋山 縣西北二十五里與鼎山隔江對峙

馬驍山 一名高家坪縣東隔江一里宋驍騎將軍馬邈葬此故名又名

### 江津縣志

#### 卷一

山脈

二

馬驍山宋馬驍鎮此

白君山 縣北四十里有宋知縣白啟墓

君井山 縣西北四十三里見方輿勝境

凌錦山 縣西南境元和志在萬壽縣西八十里花木如錦故名

固城山 縣東南二十里宋通直郎馮壽致仕居此黃庭堅爲作閒樂記

石筍山 有二一在縣東二百里平地一石竢起二十餘丈旁有石磴可

升至頂方平可容數十人上有石刻棋枰坐榻一在縣西百餘里二山相

峙如筍插天絕頂有石床丹竈一石如盂水溢不竭傾之復盈

鶴山 縣西三十里上有仙鶴池飛仙洞其山週迴盤互四十餘里北臨

大江爲縣城保障



駱駝山 縣南百十里形如駱駝綿亙數十里

周望山 縣西六十里詳後名勝

樓臺山 縣西八十里明邑參議陳渭潛修于此匾曰樓峯書院因以自

號

四望山 縣西百五十里四面如屏上有明建李克用廟并忠唐保蜀坊

艾新坪山 縣西二里山頂平正下瞰全城如指掌有艾尙書名發明墓

碑殘時次莫考

滾子坪山 縣南百四十里地雄峻高百丈上部縱橫五里中部長十

里闊五里下部長十五里闊五里

二郎尖山 縣西七十里爲碑磴最高峯屹立雲表

### 江津縣志

#### 卷一

山脈

三

聖鍾坪山 縣西八十里爲七九兩鎮分界處

龍登山 縣東南百二十里跨三四兩鎮之間省志宋太祖登此故名或

曰非也辨見雜志上有虎跳嶺龍塘鱗泉棋枰石聚寶峯盤陀石千佛巖

諸景詳後名勝明正德間盜起鄉人屯兵於此破賊

玉屏山 縣東百三十里與龍登山對峙形最尊嚴

黑石山 縣西九十里黑石星布上有寶峯寺今廢作聚奎高小學校

石佛山 縣北隔江二里一名鍾秀連馬驍山山陽有古寺傳爲宋張商

英故宅又有明江副使孟綸墓

雙山 縣東南百二十里兩峯特起青翠可人邑人鄒魯讀書於此因以

白號



眾山

鐘山 縣屬三十里形如鐘

五臺山 縣西五十里連互五臺

聖威山 縣西五十里禱雨多應

太公山 縣南四十里

金鳳山 縣西五十里形如飛鳳

九龍山 縣北四十里九龍溪水發源於此

二賢山 縣東七十里母雅石公恕先後讀書於此

尖山子 縣南六十里峯頂極尖

冬帽山 縣南八十里

紫金山 縣南八十里中有風門壘紫金若諸隘

陽照山 縣南百三十里山最高日夕始照

應平山 縣南百三十里

貓山 縣南百二十里以形名

大巖山 縣南四十五里高五里上為小水坪

望川山 縣西二百十里江合交界處

龍門山 縣東六十里兩山對峙如門

插旗山 縣東七十里中有旗孔十三大如蓋

九盤山 縣東七十里路九折龍門山尾江巴交界

江津縣志

卷一

四

砲台山 縣西八十里津永交界

雲霧坪山 縣西百十里絕頂時有雲霧

玉印峯 縣西八十里如香爐上有護國寺

洋巖 縣西百十里瀕江

桐子坪 縣西百二十里

簸箕坪山 縣西百二十里以形名

馬鞍山 縣南七十里以形名

三華山 縣南百二十里孤峯特起如筆

大堽山 縣南百二十里高峯連峙中通一堽為路明正德辛未副使李越破賊曹甫黨方四于此

犀牛山 縣南百二十里形如卧牛

聖燈山 縣南八十里相傳石隙夜有光

茅蓋山 縣西六十里有石岩極險峻

馬駿嶺 縣西六十里以形名

營盤山 有二一縣南百二十里即破賊方四處一縣南六十五里四圍峻中平正德庚午都憲林俊破賊屯兵于此

大旗山 縣西九十里形如大旗

鷓子山 縣西七十里近聖鍾山

福建山 縣西百五十里壁立數十丈長五里

人高山 縣西百三十里絕頂有石如人



燕頭山 縣西百四十里形長方四圍峻絕清咸豐末教匪劉萬嘯聚於此官兵討之三月乃下詳前事志

張公山 縣西百五十里形斜方四面壁立有古城古井相傳有張姓據險守此

白虎山 距縣六十餘里羣峯中有白石如虎 四角山 距縣四十里

兜鍪山 距縣九十里以形名 金紫山 距縣四十五里上有金紫光祿大夫墓

官山 距縣八十里有大塚名官子墓 虎腦山 距縣七十里如虎蹲踞上有杜莘老石刻

燕尾山 距縣百二十里分兩股形如燕尾 感應峯 距縣百里秀拔如筆

西山 距縣百二十里壁上石刻有終古礙新月半邊無夕陽之句不知何人題

香爐山 距縣三十里以形名 鳳冠山 距縣百二十里以形名

月堙山 距縣百十里其形如月 頂山 距縣五十里頂平正

虎頭山 距縣百二十里 中山 距縣百二十里四山環之

江津縣志 卷一 五

常樂山 距縣百六十里 牛心山 距縣百五十里

同心山 距縣九十里兩山腰各有泉流至中合一邑令楊元吉刻石室烟霞四字

登雲山 距縣百二十里獨出羣山 蓮花山 距縣三十里

寶鼎山 距縣百二十里上有三石如鼎正德中鄉耆鄧剛率眾築寨盜不敢犯

銅鼓山 有二一距縣百三十里與插旗山相對一距縣百里有石如鼓

游心山 距縣百三十里一峯孤峙上刻游心山字銘曰既富而壽培養萬物於汝觀仁喜樂時足

獅子山 距縣百三十里以形名 草墩山 距縣百三十里二溪出此

銅鼓菁山 距縣三百里 鐵山 距縣二百里石黑如鏡

凌躡山 距縣六十里以山之高登者如凌雲 寶屏山 距縣百五十里高

岫雲山 距縣五十里 雲鳳山 距縣四十里



第一峯

普陀山

鞍子山

朝天馬山

轉龍山

天壽山

九龍山

筆架山

玄武山

水道

大江

江自合江縣境東北流至沙溪口

在大鹿溪下

入縣境北流過羊石盤南岸十區折

西北過九層巖北岸五區

又折東北過朱家沱

北岸五區以上十區五區界

經永川縣之淞

溉東流過周楊溉

北岸七區

二溪

南岸十區

梅渡

北岸七區

大塘河

南岸十區

又東

江津縣志

卷一

山脈 水道

六

有一水自合江順江場北流折東復北至小塘河

南岸十區

又北至河口場

入江北流經烏龜石黃泥灘落鴻臺會家沱折東過小石門

以上南岸俱十區

又東南歷對夾石

以上十區七區界

蓑衣灘

七區十一區交界

至中白沙

南岸十區一區

又東北

過東海沱

南岸十一區以上七區十一區界

又北至高占灘

南岸八區

又北稍東至金剛沱

九區燕壩南岸八區以上八區九區界

又東北至游溪

北岸九區

有小水二一自縣九區界內

紫金寺來注一北合壁山龍洞灣

源一

二郎場

源一

吳灘場

岸九區

三水東南

來注

以上一區九區界

又東至桃子溪

南岸一區

有小水

在北岸

北自縣二區界內曲折

來注東過沙溪

南岸一區

又東南至龍門灘

南岸二區

折東北至雙漩子

南岸一區

又東

至五舉沱折北稍西過德感場

北岸二區

至縣城西曲北而東而南

以上一區二區界

歷賈壩沱

南岸一區

折東歷青草背觀音巖麻子灘羊角灘官漕中三壩

以上南岸



俱一有小水馬家溪自南來注至石梁灣以上俱一區界有筍溪河河有三源一自貴州仁懷縣界北流入縣境十二區界過紅洞坪高灘子高歇子分水塘東北流至兩河口源一自貴州温水縣界北流入縣境十二區界曲折數里經觀音橋雞公嘴亦至兩河口源一與源出仁懷界者合又一自貴州西北邊界獨石溪東北曲曲流過九龍山鳳凰山傅家灣魯家橋又北至兩河口之下三源既合名曰筍溪河又北曲流經石膏灘以上俱十二區界又北入縣四區地過清平場南岸四區折西又折北經兩岔河四區又五六曲過沙埂場四區以上四區界又北折南至夾灘溪一區又折東經四寶河一區牛角口一區以上四區界石門白漩子在四區及羊滿嘴以上一區四區界有綦江河羊滿嘴對岸自綦江白渡場西北流沿縣三區南界過廣興場五福場賈嗣場西湖場沿縣四區

# 江津縣志

## 卷一

水道

七

東界曲折過墨斗沱至真武場六區西北及羊滿嘴筍溪河綦江河俱至羊滿嘴而合與筍溪河合又東北過仁沱場六區又北入江以上一區六區界江之北岸銅鑽驛有小水二一自縣二區菜子溝北岸二區近九龍鋪東南流一自巴縣界入縣二區之之溪曲而南流過冉家堰二區會于銅鑽驛入江東流過貓兒峽白沙沱俱六區對岸江之南岸經大沙壩老魚沱洗魚沱珞璜石東流出縣境交巴縣界

凡水 卽大江中過縣城如几字

大水

棘溪 在縣東南源自夜郎溪曰綦河曰南江皆指此自綦江白渡口入縣屬三才鎮經三才鄉六合鎮境曲折二百餘里至江口入江詳後名勝筍溪 源自縣南嘉樂鄉之洪洞坪北流至青溪溝下匯四面山傅家場



諸水出中嘴與龍洞河合復西北經石膏灘金剛峽北塘口月沱至四序鎮清平及兩岔場越慶灘卧牛灘窄口子沙埂抵永豐場之北成一大曲折而東北入一德鎮過夾灘溪石門楊壩溪白漩子至羊滿嘴北流入六合鎮界會棘溪入江長約三百餘里

獅頭河 源自貴州仁懷紅圈子經合江縣大小礮至兩河口會流入縣屬十全鎮東南境北流繞塘河場經德勝口小蘭舟三口埡背雞屎坪下流名獅頭河匯草壩河入江長六十餘里

小水

岩溪 源自鼎山北流半里入城環學宮注沙池經大中大通太平三橋入江

江津縣志

卷一

水道

八

挑燈溪 源自聚寶山里許入江

許溪 源自聖泉寺三里許入江卽後名勝所稱許溪煙雨八景之一也俗呼毀溪毀許雙聲

梅溪 源自馬驍口二里許入江

之溪 源出茜草溝附近山麓東南流至巴縣界銅鑛驛入江以形名

傍麓溪 源自華蓋山曲折流至聚草坪入江

上下小溪 源自巴縣龍崗到分水嶺歧爲上下兩溪土溪越巴縣之黑灘石牛灘入縣屬螺子灘繞杜市響灘達鐵石塘至五福場上渡口入棘溪長二百餘里下溪越巴縣之燕尾山入縣屬三才鎮夏塘壩及明佛寺新橋張村溪經土橋子至五福場下渡口入棘溪長三百餘里



擔水溪 源自野雞溝過磨刀溪繞賈嗣場入棘溪

奔溪 源自碁江縣雷家山過濺溪繞跳磴子入棘溪長三十餘里

水磨灘 源自巴縣燕尾山入縣屬三才鎮南流至三才鄉賈嗣場入棘溪長百餘里

大石牛 源自尖山子經三才鎮北流至六合鎮珞璜場入江長百餘里

流水溪 源自獠牙口之流水巖東流經仙池壩繞金沙寨東北至羊滿

嘴入筍溪長三十餘里

鶴坪溪 源自獠牙口西麓曲折東北流繞鶴坪腳至夾灘場之犁灣子

入筍溪長二十餘里

倒流溪 自江口入境曲折西南流至真武場之石花菩入棘溪長三十

### 江津縣志

#### 卷一

水道

九

餘里

黃泥溪 源自駱駝山曲折東北流至黃駒洞之東繞靠兒坪麓至石壁

沱入棘溪長五十餘里

楊壩溪 源自寶螺磔塘灣經石梁河入筍溪

陳漆溝 源自梨子園經滑灘至沙埂上游倒石橋入筍溪長二十餘里

石龍峽溪 源自白馬水經龍門漳苦木橋至石龍峽口入筍溪長五十

餘里

高洞 源自駱駝山一碗水經十丈巖至汪家溝會長壽溪入棘溪長三

十餘里

長壽溪 源自感應坪唐家溝至汪家溝會長壽溪



平灘河 源自綦江縣封名埡入縣屬沙溪口經濺溪至奔溪嘴入棗溪  
大鹿溪 源有二一自永川縣張家場之石河溝入縣屬五福鎮北境經  
水魚洞至雙河場有雙河橋堰口頭王洞子三溪先後注焉名大河灘一  
自瀘縣親家橋入五福鎮西北境繞馬灘東流至黃沙灘有挖斷河水注  
焉抵兩河口匯大河灘於省橋又東流有大溪德龍黃沙灘雞婆灘觀音  
灘子口諸溪先後入焉至大鹿溪入江長約百里

高洞 源自合江縣龍頂山至采溪口入江其南岸屬合北岸屬津望川  
山北部諸水入大鹿溪南部諸水入此

甘蔗溪 源自尖山子東北流至珞璜場入江

周楊溪 源自永川縣城東曲折南流入縣屬七星鎮至毛綠盪有磨夾

### 江津縣志

#### 卷一

水道

十

溪二甲陽溪之水注焉下流至此入江長三十餘里

梅渡溪 源自觀音砦之官私盪東南流至梅渡入江長二十餘里

麻柳溪 源自永安場東南流至石門場入江長二十里

鶴溪 源自聖燈寺山歧爲二俱會於李市場之八字橋過高洞落下至  
楊家灘入筍溪

寶珠溪 源自白雲寺尖山子經大橋九石坎繞出長仁橋至岸橋子下  
流入江長約四十里

游溪 源自銅梁岳來山經永川及璧山之來鳳驛過萬壽橋入縣境至  
高洞與吳灘小溪合流入江又一水自聖鍾坪天生門東北流入九如鎮  
折而東南亦至此入江相傳唐刺史趙延之曾游此因名



草壩河 源有二北源自十全鎮打排山至稿子場側合於南流南流源自合江縣白鹿坪趙家山經老鷹灘入縣屬十全鎮南境流至小橋有魚兒盪牛兒盪之水來合經長春橋環稿子場合北流而入獅頭河長約四十里

大東溪 源自合江白鹿坪之馬坪山入縣屬十全鎮西境經漏灘新橋至黃石龍入江長四十五里

二溪 一名雙溪源自打鼓山經獅子橋繞太平場至草墩山麓東西分流入江

磨子溪 源自十全鎮之九勳山與鄧家山几子山諸水會於毛豐橋至王保灘入江長約三十里

### 江津縣志

#### 卷一

水道

十一

馬鞍溪 源自稿子場之登雲山北流經馬鞍石橋入獅頭河長十五里  
驢子溪 源自鹽井河北流經鵝公場涼巖廟銀灘至兩會河與發源青杠嘴經毘那場梁董廟之小溪相合流至新橋入江溪泉清冽釀酒極佳  
獨石溪 源自西來北流至清平場入筍溪

龍神口 源自龍神口經清溪溝太平埂越綦江縣之三角塘平灘溝入  
棘溪

### 峽水

珞璜峽 縣東七十里又名蜂窩在大江對岸即巴縣貓兒峽

金剛峽 縣東南百二十里在筍溪其山出鐵

石龍峽 縣東百三十里在筍溪



響石峽五福場下在焚溪又名金銀峽

險灘均在大江

令牌石黃石龍下水溢東溪口溪水倒流石上船遇之多覆嘉慶九年邑令徐鑿之水勢稍平

龍門灘縣西二十四里夏漲船自上來必先里許傍北岸順下若逼近灘上則無幸矣

黃石龍在史壩下小水險 大磯腦在淞漈下大水險

滅虎磧在五臺山下小水險 石牛欄在縣治下小水險

觀音背在銅鑼驛大水險 蜂窩子在珞璜峽上大水險

附邑人夏澤黃石龍記江以石為險其初委蛇曲折不得已而側擊橫冲跳梁越背石之壘疊益多水之洶湧益甚其勢然也水以夏秋為盛冬春流涸溪山澄靜磧既平而可登石亦遠而皆見至於大雨時行谿

江津縣志

卷一

水道

十一

谷盡滿秋水時至百川灌河狂瀾怒而不可測飛濤捲而不能越峽閉谷封斯瞿塘不敢上下之時矣惟黃石龍則不然石龍自江中直起長脊高背可數十丈綿互逶迤儼若游龍故名石龍色黃而赤兼之壤土漾沙時或積之恍如鱗甲故又名黃石龍然而順流偃臥不與水爭故不以石為險當夏秋泛溢之際水高出其上兩岸皆平蕩然空際波浪不驚是以水盈不盛至水涸之際沙磧在左巖壁處右凡舟自上而下遠望峭壁恐舟之撞崖也急挽舟而北順石龍以下稍出淺橫流必入磧上細石成羣亂流冲擊舟橫而側頃之沙石皆動積與舡平舟斯溺矣故冬春之交十必沒六七其險非石龍為之畏巖壁而左行陷于磧上閣淺之所致也舟入其中勢必折壞兩岸居人熟知其故恒駕小舟



於下一遇舟壞便羣爭打撈索救競拾覆舟之客橫立逆流號呼不已此方之人歲以爲利予別業在兩岸每閒游熟觀從上至下周流往復知此地雖險石龍之尾卽接磧口磧口似寬其實極淺舟師以爲平而下誤入其中便陷於磧耳若砌此尾填高與龍尾平則水順而右下且直必不入磧矣度不過十餘丈水落之際儼然坦平勢復易就撥磧中之細石左手舉而投諸右非有疏鑿扛舉堆砌搬移之勞在壘負尤易須百十人挨序魚貫長接移投不難成功也而上下之民不惟溺於利抑聞於勢無可謀者已而游僧廣惠擔瓢自南偶憩於此予攜之遠眺一日之間見舟沒者數遂指點其故熟與之謀結庵於石上募往來客商得若干錢居民聞者皆笑之越一載所集已足募松潘部落三百餘

# 江津縣志

## 卷一

水道

三

以某年月日起工凡七十日而功成沿石尾而爲互水順則舟隨勢而東更不入磧晏然無事矣左右之居民不惟相與忘之且謂僧有善力能挽江河而濟溺也羣築刹而奉僧焉可見人原無樂害人之心見利而動遂不由中耳天亦不以不義之物厚樂禍之人前此獲溺之多未見其富今日無撈救之事亦未見其貧於今又已七年矣予自北歸廣惠老而尤堅再赴舟游追憶昔日而爲之序且陵谷易變安知異時遷轉不常能必其久而無虞乎併記於此俟後日之君子可以隨時補救因勢制宜則固無不可爲之事與無不可爲善之人也

明戶部員外永川羅洪載大磯賦予觀大磯之奇也發乎石筍之支鎮乎岷江之口其來也或聳而爲峯或委而爲坡或深而爲阜及其底於



江也遠見巨石嶄嶄截江之半橫互而孤峙若虎之伏形若龍之驤首當秋至而水落江過其下靜若鏡光厥波不揚兩涯曾不里許若尋丈之可量及乎春氣融夏日烈雪山頽冰壑決注雨連晝百川奔溢江於是乎滔滔瀾瀾排天浴日傍溢彌望陡起千尺馮夷喜而歎洋天吳駭而喪魄放千里而下趨忽此磯之見阨鼓萬頃之瀾濤戰數仞之巨脊若勁兵之遇強敵勢不相下氣不相伏而力足相抗也於是時也江欲衝石而東注石欲抗江而西折勇心不回鬥氣愈傑其怒也搖地軸而欲動其號也震天樞而若裂日月爲之薄晦風雲爲之慘惻巨鱗化而渤澥遷立颶母猛而風沙四塞駛萬雷於九霄鼓三軍而一決轟百里而聳曠壓千峯而仆跌蓋江之最險而觀之奇絕也予昔下巫峽越漢

# 江津縣志

## 卷一

水道

古

塞北壓秦晉南游江浙蓋嘗劇目於胥潮悸心於砥柱而掉膽於瞿塘三者天下之至險也曾不知此磯之險殆有甚焉不但爭衡而頡頏予於是又知夫天下之事所謂奇特者必有激於不得已夫然後舍其庸常抗爲雄偉插八翼而天飛驚一鳴於眾耳功足以蓋當世名足以垂千祀莫不奮發乎困阨振掉乎險阻拂其志而後通達窮其身而後興起彼區區之流俗玩易故常莫不神阻氣折顏汗而心死殆有似夫此磯激於此水不然何淼淼茫茫悠悠洋洋千里就下與天同光忽然撼天地而震響叱風霆而飛揚慨物理之固然益信予說之非荒唐也

## 土壤

禹貢梁州厥土青黎正義引王肅曰青黑色黎小疏也顏師古曰色青而



細疏金氏曰梁土青色故生物易性疏故散而不實江津古屬梁州土宜無異今考之惟成都所治土多疏散與青黎合餘不皆然按冀惟白壤疏引曾氏曰冀土豈皆白壤云然者土會之法從其多者論之則梁曰青黎當亦如是津廣輪約三百里分十二區土不盡同亦未可以一色性概之也

辨土之法禹貢爲最初白黑青赤辨其色壤墳埴黎辨其性此法既著而周禮大司徒草人職方氏及管子地員任地諸篇張華博物志等皆準之而惟判詳畧西人得其要旨勤於實驗精益求精於是土壤一學條分縷析該洽靡遺津地十有二區土壤既不同科種類則宜備載爰考古今中外成說刺其精確簡要可明示標準者臚述之意俾農圃之僑見而知何

## 江津縣志

### 卷一

土壤

### 五

種土壤實何種性質宜何類植物與夫施肥改良之法又諦視本區與何土適合從而利用之以稼以穡以樹以藝豐富備焉則土壤之爲功大矣

一埴土

一名黏土  
亦名軟土

乃結合最細密之土粒而成大概黏土十分之六砂土

十分之二組織緊密對於水分能保存滲透不速值旱年此土無憂地面乾裂下層能吸取地中之水以供植物根株養料蓋其毛細管引力大也凡埴土中兼砂土多者曰砂質埴土兼石灰土多者曰石灰質埴土兼壩土多者曰壩質埴土此等埴土生產力最厚凝結力亦強耕鋤勞力植物根株侵入不易 土中多含養分對於肥料分解力緩故肥料不宜數施作物之成熟較他土爲遲由其養分運行於植物體中緩而不速也 缺點在吸收水分與保存水分之力太强故其生產每因氣候燥濕位置高



下及底土透水力多少而有增減以有機物及石灰土砂土等和入或冬耕皆有改良之效

一砂土乃結合粗疏之土粒而成大概砂土十分之八黏土十分之二組織與埴土相反對於水分滲透甚速不能保存在多水之地或多雨之年生產力頗大否則不含水分旱則毛細管引力不遂植物枯萎有名礫土者亦然蓋與砂土同類也砂之大者曰礫礫土較劣於砂土凡砂土中兼埴土多者曰壤質砂土兼石灰土多者曰石灰質砂土兼壩土多者曰壩質砂土此等砂土生產力亦厚質疏散惟濕時有凝結力耕鋤甚易含養分甚少對於肥料分解最速施肥宜數如牛糞廐肥等可用於此土水分與氣候合宜足補土中酸素缺乏雨水過多力能排洩植物根株不

### 江津縣志

#### 卷一

土壤

六

虞濕朽 作物之成熟較他土爲早故有早熟土之名由養分之消耗速也 缺點在水分易於缺乏其在透水不强與氣候潤濕處生產力較大以有機物糞等和入有改良之效

一壤土

一名調土亦名中和土

得埴砂兩土之中

埴砂平均

爲地中第一美土植物無不

宜結合疏密精粗適得其度對於水分保存滲透之力惟均對於植物蓄養含肥之力亦美惟近於埴土者曰埴質壤土近於砂土者曰砂質壤土兼石灰土多者曰石灰質壤土兼壩土多者曰壩質壤土此種壤土生產力不及純壤純壤土生產力最强大且兼有埴土砂土之長亦有此二土之缺點

一石灰土此中所含碳酸石灰成分通常在三分以上或四分五分過多



則性質雖佳而生產力弱有名泥灰土者亦然蓋與石灰土同性質也其兼埴土多者曰埴質石灰土生產力大兼砂土多者曰砂質石灰土生產力次之若非兼則土不良 石灰土之特性略與砂土相類

一壩土

一名腐植質土又名新土名田畦土

由腐敗有機物質而成組織澎鬆成分最富濕

則潤沌其泥乾則飛揚如粉其於植物之生育發達不大對於水分養分則吸收力不小其兼埴土多者曰埴質壩土兼砂土多者曰砂質壩土此種壩土亦頗有生產力 質疏散類於砂土耕鋤亦易 有名泥炭土者性質與壩土同其生成之游離腐植酸不宜於植物之生育 此土之生產力常因位置氣候而異位置在高燥處與氣候不過濕者生產力強反之則弱 缺點在礦物質缺乏所含養分甚少以黏土石灰土等和入或酌施肥料皆有改良之效

# 江津縣志

## 卷一

土壤 水利

七

按上述皆採自近時農學植物學土壤學諸書說固未詳種類略備至各土適宜之物及培灌調養一切新法諸書具在披閱可知此無須贅惟五土皆種殖家所宜深究舊志未載此門今以各區採訪或云肥瘠各半或云瘠少肥多或云皆瘠土皆沃壤無一道及色性若何及植物宜忌大抵未嘗研考習焉不察誠卽此推類求之利用其宜則物產必豐而方隅無棄地矣

## 水利

水利爲農政要圖國賦之所出民命之所養是以禹別九州辨土田必決九川距海濬畎澮距川孔子稱其盡力溝洫周公定官制遂人因其地域



而溝封之有畝遂溝洫澮川之法匠人因水勢之曲直相地勢之高下蓄洩以時水旱不患此言水利之初祖也厥後管子大者爲隄小者爲防夾水四道禾稼不傷荀子修堤梁行水澮安水藏以時決塞歲雖旱不爲災此用舊法而略有易者秦漢以降變而通之者眾矣立法良多約舉之有分江浚渠修堰掘井鑿池築塘作陂隄瀦防等皆相宜爲之世多法焉四川本古蜀國秦時李冰守蜀鑿離堆設象鼻分岷江水灌諸郡田以億萬計於是蜀沃野千里民用富饒漢文翁治蜀穿湔江灌繁田無算唐章仇兼瓊築蟆頤堰而青神眉州田七萬二千餘畝資以沃漑此後復有高駢魏了翁劉際亨田朝鼎諸人或規地爲隄或引泉作堰或募築或捐修比之前賢事雖大小不同惠民之心無異津亦蜀地也陸連黔播水際瀘渝

## 江津縣志

### 卷一

水利

六

江深岸高難以灌溉且山陵鱗比無湖渚澤陂之蓄水利殊不易謀惟是山多則泉多瀑布高懸橋槽足引甘雨時降溪澗易盈瀦沃諸方最宜審設夫水之爲利鮮出天然恆由疏濬卽有源泉混混不經引導不能徑達田間邑中之塘堰繁多卽前人之功力非小今查各區境地宜塘宜堰之處尙多俱可增修以備灌溉兼植菱藕養鱗介利亦普焉是在熱心農政者

按縣中原有水利溝渠塘堰之屬舊志所載自明嘉靖至清乾隆三十年以前計塘堰千一百五十四口三十年以後新添塘堰不下千有五  
百近代則益繁矣更數難終姑從略焉

形勢



津邑鼎山峙秀几水環清雲篆馬駮狀若龍騰虎踞鶴峯華蓋屹然地軸  
天關棘溪通道於夜郎珞峽迎帆於巴國龍門磊石漲邊舳艫蜂漩輪波  
光迴霄漢洵水陸之衝要瀘渝之咽喉全蜀要地也

陸隘

鶴山坪 縣西三十里有寨清嘉慶間里人李程鄭蕢等剏修咸豐間韓  
樹型劉澧等募捐補修光緒宣統間李立凡等復募金培修縱橫三十餘  
里門十一為縣城保障

陡籬子 地陡險距雙龍場十里為津壁交界處上通九倒拐靛廠溝下  
通華蓋槽近來兵家屢爭之

雲谷關 地峻路透迤距吳灘場十里為津永交界處上連寒婆嶺二郎

江津縣志

卷一

形勢

十九

尖鐵門坎等隘下連登雲坪

安福山 距四明場朱沱場各三十里為津瀘合永交界處連大河灘龜  
腦坡高山嶺等路

大壩口 為津綦交界處距清平場三十里盜匪出沒之所常駐團丁防  
之

巖門關 一名關巖坪古名雁門關縣南三百里夏明昇築以禦播遂以  
為界北屬江津南屬貴州仁懷鄒魯有修關謠今缺

屯營 縣南二十五里即營盤山見前

關口 縣東百里兩山對峙中通一路

風門壩 縣南百三十里近永興場高五十丈四面壁削中崙堦寬僅尺



許

貓兒埡 縣南三百里地陡險界連合江縣小礮

洗魚口 縣南二百九十里倚山有隘門一道對山有礮臺一座界連貴州仁懷紅圈子

飛角子 縣南距太平場四十里與仁懷接壤最扼要

大茅坡 縣南與仁懷接壤距金銀場二十里接連五小山修礮臺一座大嵐埡有礮臺一座

青龍嘴 縣南與仁懷綦江接壤距柏林場五十里

金沙寨 縣南四十里清嘉慶間戴登霄倡修并鑄巨礮咸豐間袁懋昭等補修

江津縣志

卷一

形勢

二

高家坪寨 縣北連巴縣舊有基址咸豐間補修

人和寨 縣南九十餘里潘墜潘埭同族鄰修

駱駝山寨 縣南七十餘里險峻易守里人僅修隘門數處髮匪攻之不破

仰止山莊寨 縣南二百五十里在洪洞坪清嘉慶間戴登奎建以避白蓮教後為江春暉所得補葺之作仰止山莊即為寨焉

天成寨 縣西南百五十里周克讓獨修費二萬餘金壁立萬仞惟前面一徑至半山僅架木橋通之

天保寨 縣東南百餘里熊茂榮等修

鳳冠山寨 縣東南百餘里潘景等修



保和寨 縣南百八十里嘉樂鄉紅崖山官周二姓修

龍登山寨 山見上寨宋明剏修清咸同間鄒劉二姓培修光緒二十四

年王葆仁程仕京陳文濤等重修並築塘蓄森林鑄大礮二

七星寨 縣東南百四十里宋明剏修清嘉道間進士潘泰行培修

聖鍾坪山寨 山見上寨清咸豐進士蹇滋善倡修同治間何耕莘等培

修宣統間李義山等重修

小水坪寨 縣南六十里

雲霧坪寨 縣西百餘里

福星寨 縣西六十餘里謝萬年自修

佛頂寨 縣西六十餘里聶士賓等修

滾子坪寨 縣西百餘里楊樹勳等修

三保寨 縣西百餘里打鼓山

佛現山寨 縣西百餘里

迴龍菁寨 縣西百五十餘里

### 江津縣志

#### 卷一

形勢 津梁

三

中山寨 縣南百九十里官廷臣兄弟修

永安寨 縣南二百四十里王命卿自修

后山坪寨 縣南百四十里王瑞卿修

馬駿嶺寨 縣西六十里謝大印修

水隘

羊石盤 縣西津合交界為川東門戶

五舉沱 縣西十五里為治城上游要隘

賈壩沱 縣東十五里為治城下游要隘

珞璜石 縣東七十里為津巴交界處

津梁 擇著名者載之其有義渡之處詳慈善志

上渡 距縣一里

中渡 縣北門外

江口渡 縣南三十里棘溪入江處

石羊渡 縣西六十里



白沙渡 縣西九十里

五里渡 縣南八十里

白渡 縣東百七十里

牛渡 縣東百五十里

皮魚渡 縣西百四十里

漢東渡 縣西百五十里

兩岔河渡 縣南九十里

五舉沱渡 距城十五里有上中下三沱

鯉魚石渡 縣西三里

大沙壩渡 縣東二里

雞公尾渡 縣西十里

賈壩沱渡 縣東十五里

藍家沱渡 縣西十里

葉子沱渡 縣西五十里

桃子溪渡 縣西四十五里

五臺山渡 縣西五十五里

白漩子渡 縣南四十五里

大通橋 在城內俗名板橋

大中橋 在城內俗名楊嗣橋

太平橋 在城西北

江津縣志

卷一

文明橋 在城內舊名小石橋

雙石橋 縣南二十里

傍麓橋 縣西北十五里

宋公橋 縣西游溪要路明主簿宋秀清捐率修建

九龍橋 縣北二十里

開先橋 縣東百三十里清乾隆十五年建

敦古橋 縣西德感場鄆三重捐修

圓封橋 縣南十五里橋邊石壁有端平二年四月八日建九字

萬古橋 縣西北百二十里一名板橋清乾隆二十一年夏大水冲圮是年底募款重建

橋上橋 縣東百三十里范子壩舊有橋卑下鄉人就橋上復建此橋故名

天生橋 近轉龍場長二丈餘寬三尺天然生成溪水伏流其下 平橋 縣東南十餘里土人募款重修橋側新立國民校一

奉親橋 縣東七十里梁家溪原有二橋久圮梁耀綵奉母命捐修故名

吼驢橋 縣南百即苦木橋

五洞橋 縣西五十里

八字橋 縣南八十里李市場口

魯家橋 縣南百餘里



十八洞橋 縣北二十里下有堰灌田千餘畝

平正橋 縣南五里

市鎮

龍門灘場 麻柳場 新店子 梁家壩 刁家場 五舉沱

夾灘場 高牙鋪場 羊滿嘴

右屬一德鎮

德感場 中興場 雙龍場 九龍場 雙河場 福壽場

滴水場 臨峯場

右屬二守鎮

杜市場 廣興場 崇興場

右屬三才鎮

江津縣志 卷一 市鎮 三

接龍場 賈嗣場 五福場 龍山場

右屬三才鄉

仙峯場 西湖場 金紫寺場 黃泥場 關聖場 白漩場

兩岔場 清平場 沙埂場 永豐場

右屬四序鎮

朱家沱 四明場 萬福場 轉龍場 雙河場 望川場

永江場

右屬五福鎮

仁沱場 順江場 珞璜場 眞武場 馬駿場 里仁場

和平場



右屬六合鎮

吳市場

永安場

旺隆場

板橋場

周楊場

金龍場

四和場

石門場

灘盤上

六合場

右屬七星鎮

李市場

仁壽場

慈雲寺

羅壩場

燕壩場

大橋場

右屬八政鄉

游溪場

長冲場

吳灘場

現龍場

三聖場

金剛場

金紫場

鳳凰場

興隆場

右屬九如鎮

稿子場

石蟆場

石盤場

塘河場

太平場

雙龍場

江津縣志

卷一

市鎮

一

興隆場

三和場

右屬十全鎮

白沙場

三口場

几子場

鵝公場

永興場

毘那場

右屬白沙鎮

三合場

太和場

傅家場

紫雲場

鳳儀場

右屬嘉樂鄉

柏林場

雙鳳場

太平老場

東勝場

金銀場

右屬嘉昇鄉

龍門場

蔡家場

悅來場

太平場

大埡場

右屬嘉平鄉



交通

驛站

驛站分水手鋪司兩種水手自清順治十八年康熙二年六年三次題請額設水站江津上至合江二百八十里送至史壩交界二百四十里下至巴縣百五十里送至銅鐘驛交界六十里雍正五年盡行裁去鋪司自明洪武中邑令田子貞建額設二十二所惟羊虎鋪係成化二十年奉文增置縣門總鋪北達重慶曰白崖九龍石橋界牌西達永川曰傍麓游溪羊虎迤西達瀘曰崩土石龕龜東南達綦江曰高堽南江九盤鑑凌里牛高湖高歇杜市傅渡傅壩高東白渡清康熙六十年額設四路二十四鋪乾隆二年裁去永川合江二路設東南二路東路自底塘遞至白崖九龍石

江津縣志

卷一

交通

五

橋歧路交巴縣界南路自底塘遞至頭塘高牙大屋枝子尹村大塘長沙林崗交綦江縣界又自林崗遞至杜市高歇里牛棗園交巴縣界連底塘共十七鋪咸豐四年裁撤額設鋪遞改爲差役遞送東路走重慶酌留原設二鋪曰底塘鋪曰歧路鋪與巴縣交界之走馬鋪相接距城六十里旁通巴縣壁山之老關口下達重慶九十里上達永川百二十里南路走綦江達貴州大道酌留原設三鋪曰高牙鋪曰杜市鋪曰棗園鋪與綦江交界之白渡鋪相接距城百八十里清末郵政已興遞送取銷

民國文報均付郵傳達惟二年癸丑之役五年丙辰之役六年丁巳之役九年庚申之役凡縣屬衝要場鎮均設遞步哨其費卽由各地臨時擔任

郵局



清宣統二年縣城設郵政局所有縣屬郵線東南西北衝要場鎮均委託商號爲郵政代辦處東路由縣城外直過大江經中興九龍雙河場等處到走馬崗交巴縣界距城五十里南路由縣城經江口順江仁沱眞武賈嗣廣興場等處交綦江界距城百八十里西路由縣城經龍門灘李市龍門漳三合柏林場等處交溫水黔界北路由縣城過大江經德感游溪中白沙場等處距城九十里復於民國七年白沙添設郵局經淞漑永川屬朱沱交合江界又一支路由游溪吳灘二場交永川界

電線

清光緒十二年四川勅設電局由渝達滇線路經過縣屬二都今名二親睦二勝保安三團計立電杆二十二根民國七年八月縣城新設電報分

## 江津縣志

### 卷一

交通 名勝

三六

局由局起經東門對過大江北岸澣溪口雙龍九龍雙河場等處達巴縣走馬崗接連渝瀘第三線計程五十里共立電杆二百九十根

### 名勝

心舟亭 在縣典史署後卽想涪亭舊址宋邑令冉木建并記

記云予過江皋遇一石臥沙中左右皆曰此縣碑也予聞之欣然卽維舟取之得焉旣乃建置想涪亭下立亭以覆之因大書碑曰皇宋嘉定著雍執徐江邑還浦之碑或曰亭亦壯觀是不可不名亦不可無記也予於是取黃山谷心源清不繫虛舟盡日橫之旬命亭曰心舟以書其上碑刻之曰心以虛能容舟以虛能載邑素號難治期會之紛簿書之煩舞文弄法之擾政強梗不率之慢令繫人意者日不知幾作邑者惟



不能虛心以臨之其何能容大江滔滔自蜀通吳商賈之往來貨泉之流行沿沂而上下者又不知幾操舟者倘不能虛厥舟以受之其何能載然則舟不虛不能載物心不虛不能容人以舟喻心以心名舟命亭之意其在是乎敢問是舟將涉巨川而濟斯人乎抑盡日無人而橫野渡乎將順流去而朝宗於海乎或擊楫誓而渡長江乎抑飄然泛五湖而徜徉乎曰承流而行遇坎則止可止可行任理而已於舟何有哉宋涪州別駕黃庭堅心舟亭次韻李任道食荔枝有感三絕一錢不值陳衛尉萬事稱好司馬公白髮永無懷橘日六年惆悵荔枝紅今年荔子熟南風莫愁留滯太史公五月臨江鴨頭綠六月連山柘枝紅舞女荔枝熟雖晚臨江照影自惱公天與蹙羅裝寶髻更按猩血染衣

# 江津縣志

## 卷一

名勝

三

紅

御書閣 省志在縣治南明學士江淵建藏御賜書籍

八景

詳下明江淵有詩

鼎山疊翠 城南一里詳上名山

詩云層巒疊嶂摩晴空堆螺染黛誰爲工蒼松遠嶂暮煙紫碧桃淺映春霞紅見說嵩高降申甫孔碩之章振今古愧我宦遊空白頭歸來與世曾無補 几江形勢甲川東山勢崔巍類鼎鐘嵐靜天空青嶂聳雨餘煙歛翠華重鈎簾對酒情偏逸拄笏吟詩興頗濃安得辭榮歸故里 巢雲直臥最高峯

華蓋晴嵐 縣西北二十五里



詩云長風捲雨開晴昊畫障蒼苔淡如掃遠山不肯放修眉黛色時時  
露纖巧我家正在山中居浮嵐滴翠滿階除共詫深林隱玄豹十年不  
出將何如 華峯春曉雨晴時嵐氣凝雲起欲遲冉冉暫隨林霧聚飄  
飄還借谷風吹從龍出岫寧無意捧日當天會有期未擬爲霖蘇萬策  
山間草木已蕃滋

龍門春浪 縣西二十四里詳上險灘

詩云蜀天春暖雪山消岷江千里飛洪濤夜深忽看神魚化狂風鼓浪  
龍門高舟人漁子奔迴顧倚棹愴惶恐難渡不知變化在須臾人間別  
有青雲路 蜀江春漲湧波瀾泛溢龍門兩岸寬羊角風生灘正險峨  
眉雪化水偏寒魚龍潑刺飛騰遠舟楫沿流濟渡難誰解揚鬢三汲去

# 江津縣志

## 卷一

名勝

三

早乘雷雨拜金鑾

鶴峯霽雪 縣西三十里上有仙鶴池邑封御史楊濟之居此

詩云遙峯斂翠留晴雨素練平鋪渺千里并刀剪水隨風飄亂落楊花  
飛不起騎驢仙客來探梅霜蹄個個翻銀杯凍鞍卧倒跨黃鶴乘風直  
上瓊瑤堆 積素凝華望不窮參差埋卻翠芙蓉高坵一夜成瓊島老  
樹千年化玉龍銀海忽驚紅日上丹崖疑被白雲封梅花開放知多少  
雅稱詩翁策短筇

古寺曉鐘 縣南門外古塔寺也一云縣北隔江里許有石佛山上有

石佛寺有巨螭泉詳上名山

詩云瞿曇夜半吼長鯨天風吹落雲間聲幾多逐利求名者匆匆車馬



奔遙程郅屋誰知有賢士寤起燒燈究經文滿朝卻聽長樂起肥馬貂裘豔青史誰扣蒲牢向夜分通城煙火動塵氛催殘銀海千家月散徹瑤空幾片雲遊客夢回思遠道老僧出定厭聲聞緬懷騎馬趨長樂三十餘年頗効勤

馬驍春色 山在縣對江北岸通志其山縈曲周三里形勢峭拔詳上名山

詩云丹崖碧障如排列乾坤秀氣鍾奇絕一夕東風送雨來燒痕幻作青青色有時掛笏當軒中拖藍染黛看無窮只恐春光易衰歇碧桃零落臙脂紅 隔江山勢聳亭亭宛轉渾如列畫屏膏雨染餘嵐氣碧軟風吹散燒痕青何須扼險誇天塹已荷生賢表地靈且愛山中多禪侶

江津縣志

卷一

名勝

无

攜琴時復到林垌

仙池古跡 在仙池壩詳後香草樓

詩云騎鸞仙子無消息蔓草凝煙帶花碧山桃野杏浪迎春怨紫驚紅幾時畢池邊不見香草樓空遺初月掛簾鈎芙蓉寂寞含霜老枯荷戰雨鴛鴦愁 何年遺跡在林坵尙記雙成此地遊笑引碧池開作鏡戲拈香草結爲樓春花秋月還堪賦暮雨朝雲空自愁欲向高唐重想像才非宋玉更夷猶

江心砥石 一名蓮花石詳後

詩云老龍脫骨當鴻濛六丁移下馮夷宮屹立中流作砥柱百川倒障皆朝宗想當神禹工疏鑿波濤奮捲風雷惡巨電斫斷驅山鞭乾坤從



此開齟齬 江心砥石激奔湍砥柱中流障百川每視低昂覘水候還  
將出沒驗豐年根同海底千尋玉形比峯頭百丈蓮一自神功疏鑿後  
獨留萬古鎮風煙

後八景

詳下江淵有詩

金井寒泉 有二一金釵井一金釵影均詳後

詩云傳聞孝女購靈湫投落金釵影未收三尺冷涵平地雪一泓香港  
半山秋濯纓頓覺塵囂淨入口方知疾病瘳好釀黃流供大脯未應專  
美在西州

石筍凌雲 山有二詳上名山

詩云岩巉玉筍插雲煙萬丈丹梯未可緣屹起數峯高拔地孤撐一柱

### 江津縣志

#### 卷一

名勝

三

上擎天盤根迴出鴻濛外落籜原從造化先擬駕颺輪凌絕頂徐看海  
水變桑田

古佛禪院 寺有二一在縣北二十五里長河塢下四橋坎上一在縣  
南百五十里三府廟內

詩云招提高聳與天鄰夕梵晨鐘遠近聞出洞龍翻千嶂雨上樓僧踏  
一梯雲巉巖古記何年刻深院名香盡日焚安得投閒居此地北林猿  
鶴想同羣

南江寓釣 卽熨溪

詩云熨溪遙合大江流浩蕩煙波送白鷗暮雨半簑移浦內夕陽一線  
掛灘頭魚穿柳絮好沽酒竿撥桃花懶繫舟聖代只今招隱逸何勞頻



下鉅文鈞

石羊晚渡

詩云落日蒼茫古渡頭幾人相聚立沙洲蕭條行李無知己浩蕩煙波少濟舟隔岸遠吹明夜火誰家寒杵動清秋此時名利心雖壯風雨何堪起暮愁

栖清書院 卽聖泉寺

詩云春風巖畔草青青苔蘚模糊篆刻平壯志已隨龍虎逝劍光猶傍斗牛橫三餘事業今安在 一代文章空有名桂影婆娑明月夜咿唔疑有讀書聲

潁溪煙雨 縣城對岸卽溪口

江津縣志

卷一

名勝

三

詩云人家比屋臨溪渚翠樹層層靄煙雨放舟擬作瀟湘遊玄圃滄洲渺何許推窗坐對心神娛彷彿緜繚開畫圖幾迴誤認輞川曲落紅飛絮春糝糊

蓮塘夜月 卽蓮池詳後

詩云方塘瀾漫侵江城雲影天光混漾生影湛碧波千頃綠光涵孤月半輪明芰荷香泛琴樽潤楊柳風微泮壁清安得坡仙同載酒細聽一曲洞簫聲

瑞竹亭 舊志縣學靈星門內舊無竹明景泰三年忽生筍一本二歧節節相對邑令顧達作亭名瑞竹誌祥也後亭竹俱廢

荔枝園 縣城西門內有荔枝一株考之舊志蓋唐開元中所植也今無



文塔 縣文塔有三一踞鼎山其形較小中實俗名小塔一峙武城後俗稱大塔中有磴道盤旋而上如入雲霄一屹立大江北岸高坪近石佛山勢極崢嶸與峙武城後者相競崛起天日清明時三塔之影咸倒入城內菱塘中自塘岸覘之一一可見故邑中風景夙稱菱塘塔影爲勝按城南舊塔明崇禎八年建今撤毀新文塔在鼎山下與聖廟相對乾隆丁酉邑令曾受一欲修未果甲寅募眾並領公項乃成依形家言此方爲元魁星江北艮塔爲薦元星故並建之江北文塔在聖廟之良方謂之催官方是塔功程甚大所費不貲經十數年功始畢邑進士蹇滋善有記

記云風水之說儒者弗道而山川形勝或有缺陷古人陟嶽降原相度之際未嘗不繼之以人力邑侯正萬曾公粹然儒者也三蒞津邑造福於我津者至矣而培植文風尤三致意焉乾隆丁酉歲於聖廟落成之後環視地脈謂東南北三方稍陷必大爲培補始足以崇體勢而壯蠻

江津縣志

卷一

名勝

三

宮先於東門內建奎星閣立著成效侯曰未已也鼎山之南大江之北當建兩文塔侯親爲卜地諏吉興工會侯以致仕回籍未獲竣事後復致書於邑人期在必成然屢興屢廢訖無成功歲甲寅予言於邑侯涂公請公項若干復募費重修南塔先成惟江北之塔厥功甚鉅費尤不貲歷數寒暑而功始竣制軍孫補山先生題其額曰標建奎躔自是而文風亦蒸蒸日上矣是役也會公倡之涂公繼之趨事者明經程詩鍾張光組太學生何繡裳三君之力居多捐貲以建碑亭者則司馬戴君登霄也

蓮池 在縣東二里許遺愛祠前廣三十餘畝元時鑿渠引水入泮池由大通橋注之江明宣德初邑令袁旭以水東泄築堤捍水成化中邑令宋



潛構亭於上後壅塞不常嘉靖乙酉邑令王貢疏之丁酉邑令楊元吉葺其舊亭匾曰君子池建亭池中匾曰水心亭清邑令宮殿對建亭其上後令郎嘉卿更加濬導池益深廣後令國璋改建名遺愛祠令池中種蓮花開時色豔香濃游人甚眾後令張繼復捐廉培修於池畔環植桃柳今則遍堤皆桑也

水心亭

在蓮池中石橋盡處明楊彝作記

記云史城大夫蒞邑甫半載政孚人和急於文教求遺蹟之良度風氣之宜卽城東蓮池尋故道復浸渠使環帶學宮由大通橋而注之江所以清潁源豫警備也士民仰之工成而並葺其舊亭規制嚴整匾曰水心大夫偕諸大夫落之凡川子與焉大夫曰亭茲名茲憲大夫謂何凡

江津縣志

卷一

名勝

三

川子曰嘉厥亭哉大夫善厥名哉今夫水澄則清淨則明流行坎止隨地維平旁潤四及利用資生君子觀物爰以象心清吾介哉明吾知哉平吾直哉生吾仁哉是故介以厲民直以順民仁以育民利用無窮政立化行水兮心兮有相之道也在古聖人見轉蓬而造車見遊魚而造舟得河圖而成卦因洛書而作範咸取諸物也仲尼亟稱於水曰水哉水哉有本者如是是之取爾大夫誦法取諸此而名亭之義昭矣大夫曰有是哉言近而指遠善言也其貞諸珉以毋忘公休史城大夫何楊令元吉履祥也諸大夫何宋主簿秀清學博徐中李銓也凡川子何邑鄙人楊彝也並用記之

邑令楊元吉詩清淺芳塘曲徑通水心亭倚芰荷叢欲從溟渤觀吾道



試向靈臺醒主翁風月珊珊塵世遠鳶魚潑潑海天空百年知己眞誰  
是好把行藏寄此中

流杯池 縣西二里大江側石盤磅礴鑿渠引水爲九曲冬春之交遊人  
泛觴爲樂踰月則水沒矣

飛仙洞 原名石佛洞古刹也在縣西南三十里鶴山坪洞前巖石高懸  
如夏屋深廣數丈周圍竹木叢茂晝不見日大暑時入坐涼如秋夜文人  
到此多題詠惜散逸無存咸豐間邑廩生江含春書飛仙二字於石四序  
鎮境內亦有飛仙洞洞有石人石馬石鼓石盤與此不同

仙鶴池 在縣西南鶴山高處邑人楊致道有記

記云鶴山爲名勝之地四面皆險山頂之南又有香爐山蜿蜒而來至

## 江津縣志

### 卷一

名勝

三

飛仙洞洞極深可容百十人內供古佛故又名石佛洞旁出清泉僧用  
竹筧引至厨竈經寒暑不竭夏日洞甚涼然不敢久坐洞之外有寺寺  
後半里有大石畧平昔人鑿池於上呼爲仙鶴池猶之名鶴山也余兒  
時過其地猶見古樹參天禽鳥飛集蘭崖金穴聲頗似之卽令師曠操  
琴蕭史弄笛必有流連而不去者乃回首五十年池雖如故蔥鬱頓非  
欲求一草一木而已不可得也牛山之慨古今有同情耶昔余五世伯  
祖汝成公有句云鶴池東畔鶴峯莊鶴去池空歲月長安得鶴來峯有  
伴翩翹日日水雲鄉今讀其詩則知昔日之遊必有異於今日者宜斯  
池之不朽也然附池傳者又有仙鶴橋豈鶴之仙也本無定耶吾烏乎  
測之



邑封御史楊濟之

即上致道詩二絕其五世伯祖詩一見上

老境無求心自休鶴池池上

日優游乾坤此樂知能幾一曲清歌酒滿甌

師竹山莊 在縣西南鶴山最高處

仙人碑 在縣西南鶴山坪金扁擔崖半一石宛肖碑形苔篆環繞彷彿

有字清邑貢生施宇平有詩

詩云奇哉此石幻哉此碑巉崖秀削峭壁斜欹上有飛瀑下臨峻危隆

隆挺峙亘古不移蝌蚪依稀苔蘚迷離巧奪天工匪夷所思剝樹何日

飛來何時我聞古傳曰若仙垂問諸太空彼仙者誰太空冥冥不私一

詞天生古蹟豈曰無為欲窮其顛以祛我疑應是媧皇補天所遺五色

陸離鎮茲山陞相彼岫嶺神禹題辭地老天荒雷雨扶持茲石不轉神

# 江津縣志

## 卷一

名勝

三五

工所施匪經斧鑿寧假磨治始皇鞭石乃在於斯石若點頭我當問之

五峯書院 縣西十五里五舉沱相傳昔有兄弟五人各鑿石室為讀書

之所有公生明思無邪性天德存天理等字旁題溫國文正公書宋邑令

馮忠立為書院今廢

虎石 縣西十五里五舉沱對岸江濱有巨石高聳孤削直立水中清咸

豐四年邑令程祖潤過其地見石奇之鐫虎石二字於上未幾果有虎出

其間里人驚噪圍攻之傷三人而虎亦斃夫虎居深山平原何自而來又

適當題石之後人以為異

鬪牛石 縣西南鶴山坪二石相對如牛鬪狀

邀月洞 縣西二十五里風景清絕夏秋間山色天光一碧如洗樹影在



地如荇藻交橫甚覺可玩

白龍井 縣東二里許石子山武城側明嘉靖己亥年主簿宋秀清鑿

蓮花石 原名跳磴石在縣城東阜門外江水中通志石不常見見則年豐有宋乾道中石刻數行鑄於江巖石壁民國四年乙卯石復見邑人遊觀不絕題詠頗多

明寧州刺史曹邦化詩原是華山十丈花何年移植几江涯浮沈世態知多少引得遊人日泛槎 邑人劉澤嘉詩兼寄懷張鹿秋怪石盤盤卧江底離披下垂上如砥或脫或接或孤撐化爲三十六瓣開落波濤裏不知天公何事故逞奇太華峯頂几江湄以彼菡萏森爽插天際至今煙雨常迷離此石不可轉潛身蛟龍宮隆然浮起有生意旁挺側出

### 江津縣志

#### 卷一

名勝

三

心蓬蓬我欲窺真面水石相激戰潮落潮生空自知花開花謝無人見  
民國四年乙卯春江水奇濶揚飛塵寒流貼地石突出清冷孤潔何嶙峋  
遍讀題刻字漫滅浪花衝擊苔花蝕中有女子謝秋芳獨留佳句生顏色  
翠鈿零落罷歌舞年年石上風和雨琵琶欲歇不歇如聞聲煙水空濛時吞吐

謝詩有回首琵琶歌舞地翠鈿零落不成春之句

卿豈蓮花身清淨悟前因幾時

化石不回首足踏蓮花十丈江之津其餘剝刻何足數雖留姓名亦儻  
父石兮石兮何惡於汝鑿破混沌徒自苦我愛石如古君子有道則見  
無道止人言一出兆豐年姑妄聽之我心喜

前人留刻有豫兆豐年瑞之句

又如神龍

見首不見尾雲鱗霧甲知有幾孤立清流中呵護疑神鬼大江東下如奔馬一石亭亭支大廈陽侯雖暴不敢瞋冷雲盤空水聲瀉世無米囊



陽誰是知兄者周子云愛蓮聲高和曲寡詩成擲筆春江潯張籍茫茫  
何處尋唯我與爾稱知音 邑人江懋祿詩君不見許溪之南江水中  
中有盤石何玲瓏江流浩蕩石不轉層層鎮壓洪濤風會見蓬萊水清  
淺天荒石破江爲空如蓋如砥復如掌廣可三丈長數弓代有高人載  
酒來興酣落筆別蒼苔清新刻畫多佳句艱危時局誰關懷慨自晚唐  
迄五季割據紛紛擅相繼竭來民國正如斯事事且託人民意吁嗟乎  
去年作戰今年又柱折維傾誰補救世無媧皇煉石才可憐西北天多  
漏

積骨亭 在縣西東嶽廟側關中淡綠子有詩

詩云新鬼嗚嗚故鬼號可憐白骨掩蓬蒿權將說法生公石 此舉賴崙師力居多

江津縣志 卷一 名勝 三七

壘作秋墳七尺高 萬間廣廈存虛願小築攢宮庇夜臺料得九原亭  
榭好門庭都傍孟漣開 來無拘束去無知斷盡春蠶寸寸絲一路棠  
梨花色好紙錢誰掛踏青時 魂走陰風怨夕陽墓田重與定滄桑可  
憐戰血糝糊容骨化青燐阻異鄉

王居士墓 居士失其名墓在縣南一里明天順間有盜發其墓墓中石

壁刻詩二絕

詩云官無名利私無債架有衣裳廩有餘祇此便同天上樂不知天上  
又何如 芳草煙村暮雨收牧童歸去倒騎牛笛中一曲昇平樂算得  
平生未解愁

天水池 在縣對江二里省志云邑人春日遊賞於此競於池中摸石祈



嗣得石者生男得瓦者生女明李廷春有記

記云江津東郭對大江之北山名石佛瞰江之高萬仞有石池焉深三尺廣六尺袤倍之中有鑿痕水清而常盈雖天旱不涸旁去數步一大石半懸爲崖其上正平可容十數人楹窟尙存蓋舊有亭而久廢也縣志曰天水池縣人被無子自袒裼摸水中得石則兆生男得瓦則女士人皆呼曰摸兒池往年戊申仲夏我縣大尹練江周侯未有嗣偕僚案學博往被獨得一石色紫赤而奇九月果生一子命名式予在臺中聞其事與諸聞人言皆異之或曰北史載高林母被襪泗濱得奇石夢人謂曰此浮磬之精寶持之必生令子侯所得石毋亦浮磬之精與越二年庚戌初夏予歸自京同友人一江梁子從侯遊於池梁子曰池之

# 江津縣志

## 卷一

名勝

三

靈異蓋數數矣顧未有記之者是在臺史又相與登舊亭址觀華蓋鼎山諸峯如拱如揖如騎如蓋如侍從羅列如趨而欲前如作青眼愛客鳶鳥交飛如在平地其長江西來經龍門抱縣城而東如几如練平波中有魚跳躍如欲奮飛檣帆櫂櫓上下交錯漁舟渡艇截流倚洲城之中外樓閣竹樹一覽盡之如畫圖然此一大奇觀也侯喟然曰亭之費計可二三十金何可廢也遂捐俸命工匠琢旁石爲水亭四楹爲石棹一爲石鼓十二以藉被者及遊觀諸人俾得攸止而觴焉事不愆民不勞而亭巋然成矣復磨巖大刻摸兒池字以記屬予予謂子之遲速有無皆天也池無與焉如石如瓦特爲之兆爾惟天福善乃昌乃后惟人積善乃獲天佑池乃報之奇石其子乃不虛厥生是則人也池亦無與



焉憶予先子弘治癸亥同先諸父被亦嘗獨得一石予以是年十月生  
蓋予家世惟長厚相承先子學春秋齋志早終予子孫歷受其慶茲周  
侯廉而不激方而不諒明而不苛自筮仕上高歷鄴都暨乎我縣遺愛  
歷歷可徵矧祖父皆發身賢科陰有厚德惟天實酬之石之兆而豈偶  
然後之被者其先惟善之積以自求福於天而後求石於池可也否則  
漫而得石漫而生子亦無益也是可以深長思矣乃如諸遊觀則人以  
情異有憑其高而思以振衣者有俯其流而思以濯足者有獲思公輔  
之兆以又庶民者有思起蛟龍於江以作霖雨者有思挽江之水以洗  
甲兵而靖邊鄙者有思會鳥獸草木之文與物皆春而悠然相忘於無  
何有者又其至也視下思蓋小矣視道思無息矣子云知者樂水仁者

### 江津縣志

#### 卷一

名勝

三九

樂山皆人之情也則是池是亭實有助焉若乘興而來盡興而去漫遊  
而罔有樂罔有思者凡民也於是乎記

聖泉寺 在縣北七里詳典禮志

藏秀亭 在石佛山

香草樓 益州記江州縣西南有仙池昔有仙人於池側置樓而居樓下

多植香草一夕縱火焚其草一日縱火樓焚天降紫雲飄然而去後人指其地爲

香草樓舊志在縣西南三十里前人有詩

明鄒佑詩香草無蹤跡神仙竟渺茫獨留天上月夜夜下寒塘 李昌

詩仙池香草樓仙去樓無主不知何代年樓柱因積腐人寰留仙跡芝  
草歸洞府神仙不求人有緣來拔苦對面不相識學者何知取真骨產



黃金來當騎玄虎

七孔子洞 縣東十五里觀音巖側面臨大江巖半有孔七各深丈餘錯處一壁相傳明季土人鑿以避兵全活甚眾

觀音巖 縣東十五里巖前石有觀音大士像相傳明時所鑿旁有一洞深廣能容十餘席冬暖夏涼清咸豐間里人於此建一閣一樓閣名觀音樓名挹翠

金釵井 縣東里許井泉清甘甚旱不竭

龍井泉 縣東三十里鐘山壩古椽樹下泉自湧出旱足灌田十畝

梅溪書院 在江北梅子溪上明少師江淵建

南山經室 省志在牛心山宋張弦讀書處

江津縣志

卷一

名勝

四

石壩 縣北三十里山分左右如門溝水匯爲石塘中有橫石蔽其前如屏幔因名石壩

龍登虎跳 縣東南百二十里有龍登山山上有虎跳嶺雙峯對峙頂巖石壁間有纜痕笥曰其地面皆河沙石子似前爲水道所經對面玉屏山屹然秀峙風景特佳

猴子石 縣東金紫灘側距城九十里世傳綦江風水石上不可焚火焚則綦邑有火災然與否與待考

龜蟬石 縣東百五里在金銀峽石壁上兩石各肖其形高低斜對不遠俗呼爲金龜戲蟬

晴雨石 距三才鄉五福場半里許在綦河泥耗子灘腦側石盤上一活



石高大約丈餘天晴久則現硃紅色必下大雨雨久如之則必晴土人以占晴雨頗驗

魚尾石 縣東百餘里在綦河大魚梁灘之下小魚梁灘之上中有大石梁連東岸石壁高十餘丈上束下張酷肖魚尾

鐵水石 縣東百十里在五福場後溪邊獨立如屋椽石半有口流出鐵水四時不涸下瀦爲塘俗名鐵石塘

天水池 與前異此在崇興場尖山子上山高二里許遠望如筆登其頂則平寬約十餘步中窪如池水常盈四時不涸人多異之

金石巖 距崇興場五里山石壁立約十餘丈溪澗流泉到此奔瀉自下視之瀑布千尋聲聞數十里上有金石臺左右林木叢茂風景清絕前清

### 江津縣志

#### 卷一

名勝

聖

涂江宗曾修養於此

長安洞 在三才鎮崇興太平二場之間洞口宏敞石工精緻入洞數丈石階迴環由階復進里餘洞漸狹僅可通人相傳內有深潭中伏巨蟒以是人遊止此

驪子塘 距三才鎮杜市場十餘里在高湖溝下塘中水自作聲聲之大小足占晴雨四時皆然天若久晴水聲忽作轟轟如雷則大雨將至今尙如是

豐年石 在磁窰壩可占豐歉年豐則石常溼水氣淋漓年歉則乾里人多云有驗

柏嵐壇 近崇興場有柏數十株已百餘年大者圍六七尺小亦四五尺



古幹參差枝葉繁茂蒼翠可觀

獅豹石 牛羊石 石海螺 四序鎮金紫場南十里許有獅豹二石對峙宛然下有牛羊二石形亦酷肖二石之間復有大石獨立高八尺長約丈餘左右有孔大如擘中通風激則鳴其聲嗚嗚達數里外天若久晴雲氣淋漓生於石上

犀牛石 距金紫場十餘里相傳此石上不可焚火焚則碁江城內必有火災與猴子石同

巨蠚泉 在駱駝山禪居寺距縣東南九十里寺前石磴九十九級級高一尺盡處一石壁高十餘丈刻有天下大亂此地無憂天下大旱此地薄收四語

### 江津縣志

#### 卷一

名勝

里

官祿洞 距縣五十里金紫坪上刻有此三字旁註金紫光祿四字尙存餘磨滅

雙鶴 在縣南六十里提學張鯤題雙鶴雲流四字

石燈盞 縣南六十里小水坪石壁上形凹如燈盞盞內水色微黃四時不竭

望江樓 縣西南八十里西湖場側相傳邑人鄭僑所建式仿礪樓三層可以遠眺里人戴天顧詞云望江樓望江樓下水悠悠今古不勝愁江花夜江月秋江花江月幾時休攜酒獨登樓

農官署 縣東南三十里仙峯場北道旁有大榕一株原名馬道子相傳昔有農官置署於此改名農官署



會龍寺 距兩岔場十餘里四旁林木繁茂山水清幽前清翰林陳光明舉人陳光德王贊春曾聚讀於此

白雲寺 距兩岔場十餘里大山之巔地平約百餘丈爲前代古廟基址相傳寺爲刁進士化神駐兵焚毀

龍洞溝 距兩岔場八里有洞在田中直下丈餘得平地行十數里見壁上石床布幔及黃葛枝葉痕又十數里有蝙蝠羣來不下千百里人程煥章曾入探尋行約二十餘里燭爲蝙蝠撲滅遂返其深尙不可測鄉中相傳有云直通龍洞場之下則以是計之七十里有餘也

石馬崗 距兩岔場五里山上一石如馬身尾足皆具而無首近田中一石如馬首相傳此地昔多野馬不知何來後此山石馬爲雷劈斷首落田

### 江津縣志

#### 卷一

名勝

三

中其怪遂滅妄言妄聽亦采風者所不遺也

天堂堡 前代廟地也下有烏龜石蚌蛤石形狀酷肖其地山清水秀林木幽深在清平場下游十數里

雙土地 距清平場十里地名紙漕溝有土地祠二俱男像石身里中耆老云昔有土人每於深夜聞兩山間有人聲呼應問之寂然怪之後土人於山麓掘得二石像爲之立祠其怪遂息

石老媽 在清平場上緱家坡半山中有石屹立似人相傳有求必應故香火甚盛又一在永平寨永寧寺右遠望似人聞遺老云髮匪撲寨晨霧中瞥見偉人當道怯退寨得保全里人以香火酬之

跳魚盪 距清平場二十里月沱上流名孔灘又名吼灘灘上一石梁中



凹如盆深八九寸上下有小槽引水出入常盈不竭每春間有無數游魚自灘下沿槽上躍於物可觀主其地者日得捕魚數十斤至今猶然魚僅寸許無大小無雜色不鹽不腐剖而乾之味鮮美

車盤子 距清平場八里地名崗上有車盤子樹二株大者圍一丈六尺小者一丈鄉前輩云清雍正時即見此樹至今猶茂

空心石 在清平場二十里金竹坪一石屹立高丈餘中空其上有口徑尺許擊之聲如鼓鏜鏜然相傳是石中空有口於石下高擲土塊或瓦片向口投之中則祥不中不吉土人往往於此占事吉凶

七孔子洞 在清平場十五里五通廟下疊岫重巖壁立千丈上有七洞錯處不甚相遠寬皆七八尺深六七尺不知鑿自何時與在一德鎮者異

### 江津縣志

#### 卷一

名勝

器

曹進可神道碑 在沙壩場後碑文云大明貴州按察副使曹進可神道旁註門生朱燮元題去此百步有古墓石槨相傳即進可墓

卧牛灘 縣南七十里筍溪河有石梁委曲過河相傳是灘以張孝子得名詳人物志

飛仙洞 金紫場下八里有溪溪間有洞洞中石盤石鼓石人石馬各肖其形相傳不知何時被雷擊壞至今破石猶在一德鎮境亦有飛仙洞與此別

一碗水 在黃泥場十里永平寨內石壁上形凹似碗水自石縫流出清涼可飲四時不竭不盈土人呼爲一碗水

緱侍郎墓 在黃泥場五里緱氏壩有古墓石槨巍然高大惟無字跡可



考傳爲明玉珍時緱侍郎墓

落虹橋 黃泥場五里橋下有井甚深中有一物或傳爲古鍾或傳爲骨  
體狀如人頭而大里人欲得其實每值水枯落時竭力去水將現底雷雨  
驟至歷試皆然

仙姑洞 駱駝山上有古刹名曰仙姑廟廟後倚巖爲墻屋脊上峭壁間  
有洞寬約丈餘深二三尺洞內有石如竈曰燒丹竈洞底巖塞圓石相傳  
昔曾有人見洞甚深無此圓石廟外茂林修竹間以白石清泉碧色浮天  
綠陰滿地可謂別有天地

馬腦寺 古廟也距黃泥場一里不知建於何時毀於何時今惟存遺址  
旁有三石層累如香爐狀里人呼爲石香爐無心觸之似動不墜

江津縣志

卷一

名勝

四

天子墳 在黃泥場十二里華藏寺對山馬領子上山形如馬上有石槲  
似已廢掘中無所有寬大如廬知爲大家墓字跡模糊不辨下有槽石亦  
毀里人呼爲天子墳

活石溝 黃泥場三里何氏同心祠前田中多石如水族有鯉魚龜鼈蝦  
蟆蚌蛤等形各相肖

大小營盤 駱駝山頂九十九峯內有二峯一名大營盤一名小營盤相  
傳刁化神駐兵處

蓮花寺 白蛤寺 皆前代古刹在駱駝山上相傳刁化神駐兵此地悉  
被焚毀遺址尚存

佛巖寺 明時古刹近朱沱場巖形如覆釜列諸佛其中石縫有小石如



乳流泉不竭鄉人王孟卿刻有洞天二字於壁

來鳳寺 明時古刹近朱沱場清康熙間邑令賀榮貴增修光緒十五年  
鄴都翰林徐昌緒題額來鳳古蹟

三拋河中壩 在五福鎮朱沱場上二十里羊石盤下十里里人張彝仲  
有記

記云大江南來環葫蘆匯而東突分兩道約行五里許水復合上有居  
人土壤肥沃宜蔗宜胡麻宜落花生宜淡巴菰民性樸儉好自尊大有  
島民之習水始分處有石連鎖如練狀激水成灘所謂徐梁也由徐梁  
而北下灘聲頓息波影澄清水停洄如湖者鵝兒沱也傳言古有仙鵝  
浴此故名沱之下口亂石峙塞如困如屋如梁橫柱折錯雜江面秋冬

### 江津縣志

#### 卷一

名勝

巽

水落泛舟遊之出入諸石間頗饒幽趣入夏則洪濤巨浪震耳駭目舟  
子里人皆習於水小舟一葉顛簸其間恬如也螃蟹洞牯牛磧諸異跡  
在其下透迤里餘始與外江合回視煙濤中隔岸一山高插雲表者高  
寨坪也俯瞰江流山光倒入漁人則舟居岸處雜集其間秋夏月中所  
產紅魚味極鮮美尤爲他處所無其南則前橫大江豁然開朗帆櫂上  
下道必由焉溯流上駛者必重複翦江始克過此方言以亂流爲拋河  
故名三拋河清代咸同之際有警必於此設水隘故舊圍名靖江圍光  
宣間邑之礮船亦駐於此民國以來駐防撤而匪遂出沒矣地與合江  
接界以九層崖爲孔道距縣既遠幾同甌脫匪之卵育於此也宜哉壩  
之上有寺二一觀音寺舊址頗大明末燬於賊僅存其一殿一望龍寺



予外祖趙公瀛洲捐鉅貲修復之清末年予立高小學校於此略事修葺教室寢室約可容數十人尋改爲國民小學因兵事亦停廢地隔於水居民子弟他無所得學興復斯校不其急歟壩中自楊臥雲何芷塘先生後讀書之聲幾絕民失其教死於匪者無論也地當衝要居民戶不及百駐防撤無力自衛生命財產之喪於匪者何可勝道而遠近皆曰三拋河爲匪窟豈不冤哉豈不冤哉特記

大小糯米堆 縣西百五十里名史壩中流有巨石高下峙當水之衝船觸之輒碎宋淳熙乙巳常平使者楊修鑿後患始息酒稅監王敦夫有記記云江發岷山安行千里至巴渝上流之極有灘曰大小糯米堆中流巨石實當其衝高下對峙江之西來浩然橫放直指二灘之上觸爲濤

# 江津縣志

## 卷一

名勝

七

瀨喧飗震掉險悍可畏舳艫銜尾而來一或不戒則與石相遇雖有智力不能設施淳熙乙巳常平使者廣漢楊公挾節峽道政尙寬靜人民宜之公又以其明刑之餘廣求利病思其復有便於民則曰蜀江之險者莫甚於峽江一道而是灘之險實居峽道之首於是出金捐粟戒屬邑吏悉用疏鑿會春水涸嘯工趨事烝徒奔走歡呼鼓勇爭效其力至於砥平向之爲患者自是而息舟船之下安然順流以達吳楚無復齟齬舟之爲利當施之無窮也夫大江之險自神禹之後未聞有人能致其力而公乃能盡誠力行之取必於成功則公之愛人利物豈特一道而已哉充而至於天下可也昔西門與利史遷所歎白圭壑鄰孟子不與公之用心彰彰如是安知異時不書之史冊深嘉而屢歎哉敦夫董



其役目擊盛事大書諸石以昭示不朽云

犀牛石 雙河場附近大河灘有地名犀牛塘塘中有石形肖犀牛水涸則見

打鼓巖 雙河場附近巖上一石形如鼓旁有石鑼遊人無心擊之鏗然有聲

碑底巖 在轉龍場太倉壩側有碑長五六尺上接巖口下抵巖腳取之不出推之不入鄉人咸謂此碑最古不知建自何時碑文模糊莫辨

四明場十景 場東十里有石人石虎石倉石船石棚石櫃石蚌蛤石鯉魚鋸鏹石磨刀石等形俱酷肖鄉人稱爲十景

驛丞古碑 驛名漢東卽今朱沱場上壩署基尙在相近有煙燉遺址又

### 江津縣志

#### 卷一

名勝

巽

有斷碑字跡磨滅過半就可辨者讀之大約當時人民納稅以銀合錢章程惟驛丞王怵四字明明可識

圍杆石 朱沱江中有巨石冬間水落乃現石上一棹有多數石人圍坐

龍神古刹 四明場十里許有古刹稱龍神廟今惟遺址存焉清溪環繞

水秀山明溪上一小橋曰迴龍橋橋之上遊一盪曰神龍盪是地榛棘荒蕪中有石柱石盆石香爐石猴石獅石象等物

安福殘碑 雙河場六里許有蘭若安福山寺歷年久遠牆壁圯處現一石上書樊帷綉大順六年壬午九月吉造不知其爲何許碑焉

土嘈龍井 朱沱場二十餘里土嘈口地有井深不可測旱久不涸甲申大旱未嘗乏水居民因目爲龍井



石人石馬 朱沱場三里許有古廟遺址廟前石人石馬各二今尙在相傳昔此地夜常有馬食隴畝間麥土人探知石馬爲害雇匠鑿其嘴其害乃滅

盤龍古寺 徐子口 朱沱場八里有盤龍山古寺下有地名徐子口經箱盪書詔坪在其左右查該地古碑在明時無徐姓者不知徐子口何名金鴨兒石 雙河場土嘈口里許有大石壩其上常有羣鴨往來石上爪痕一一可辨土人遂以金鴨兒石呼之

龍門磴 縣東六十里有龍門山脈自駱駝山蜿蜒東行入巴縣界爲雲篆山在六合鎮境者稱龍門山山脈駢行中有曠地長約四十餘里廣五里曰龍門磴雞犬桑麻自成村落儼世外桃源也

### 江津縣志

#### 卷一

名勝

一

夔溪口 自溪口溯流十五里曰仁沱場相傳昔漢武帝通西南夷節使唐蒙取道於此至今渡江遺跡尙在輿地紀勝夔溪一名夜郎溪省志古名夔溪今名綦江又名南江其入江之口曰江口即南江口亦即夔溪口今日江口縣在南齊時曾治江口遂有夔溪之名邑令曾受一有辨

辨云津邑號夔溪實非夔也非夔而有夔溪之號何也縣屬綦河爲夔溪入江處謂之夔溪口南齊永明五年江州縣治移於此因號夔溪其後移治馬騷鎮仍其號而不改耳津古巴國秦漢改江州縣又改江陽旋分置江津非夔地也夔之名何昉乎王制大樂正率學士以告於王不變王親視學不變屏之遠方東方曰寄西方曰棘鄭康成謂棘當作夔韋昭云夔屬犍爲漢武使唐蒙喻夜郎侯約置吏以爲犍爲郡治犍



夜郎以西南詔以東皆楚人所居綦河發源於夜郎是以有楚溪之號耳水之通楚者曰楚溪路之通楚者曰楚道一也皆據其所從入之地而言也楚道者今之宜賓縣也唐蒙發巴蜀卒治道開南夷通夜郎取道戎州入南廣楚道令治道不成蒙斬之復親治而後成卒通南夷余前蒞珙邑古南廣地也犍爲初治楚後徙治南廣復徙治武陽犍爲郡屬多楚地而巴郡蜀郡咸無有焉何以知之史遷西南夷傳謂巴蜀民或竊出取笮馬楚僮以致殷富曰竊出者明楚在巴蜀之外也華陽國志叢帝孫保子帝攻青衣雄張獠楚又曰蜀有滇獠賓楚僮僕之富攻之者未隸蜀也曰蜀有則在犍爲置郡之後矣楚之西南曰爨南詔地也楊慎詩曰玉斧無端分爨楚要皆漢武所開之南夷而楚之名見於

# 江津縣志

## 卷一

名勝

辛

王制則楚又在諸夷之前且大學之士屏之於此雖曰不變然在學九年其漸染教化不爲不深矣然究不得與巴蜀齒何者巴蜀先王封國巴尤屬周之宗姬而楚則放流罪人之地也余慮世人未察以津號楚溪指爲楚地故詳考而辨之

楚溪集說綦江縣志在縣東自貴州桐梓縣流入又西北流入江津縣東入大江古名楚溪今名綦江總謂之南江元和志三溪縣內有楚溪東溪葛溪楚溪在三溪縣西又經南川縣南四十步寰宇記楚溪自三溪縣西北流經丹溪廢縣又北流經南川縣東南四十步又北至江津縣南十四里西北流入大江九域志隆化有楚溪輿地紀勝楚溪亦名夜郎溪從夜郎境流過南平軍城下又東溪在軍之西北元統志南江



在南川縣眾溪會合至三溪口可通舟楫行三十里至綦市又至南江口入江名勝志南江入綦江縣界其色蒼白名曰綦江又楚溪在江津縣東南三十里來自夜郎境闊三十步深七尺可通二十石舟府志綦江縣有三溪一自桐梓縣坡頭河流四十里至綦江界趕水鎮一自桐梓縣松坎流五十里一自仁懷縣李漢壩流六十里亦皆至趕水鎮三派合流名三岔河又順流一百十里入綦江縣界爲綦江又順流四十里至綦江縣城東又西北流三十里至白渡口入江津縣界又一百二十里至南江入大江

谷仁洞 縣東五十五里沙溝子後山嶺有洞名谷仁又名石山通貓兒峽昔有土人入洞尋源不可得因春雨至置穀壳其間驗其出處乃知通

### 江津縣志

#### 卷一

名勝

五

貓兒峽近六合鎮仁化高小校教員學生聞之每歲上巳日攜燈往遊見無數怪石玲瓏形狀不一人取一歸以供瞻玩

古驛道 縣東六十里澗磳溝附近叢林中有古驛石道丈餘寬約八尺不知修自何代鄉人或謂唐或謂周或謂秦漢皆無所據

借母懷胎礮 太平寨有巨礮一長六尺許口徑三寸有奇名曰借母懷胎礮卽今之罐子礮也石達開禍川同治元年三月竄入縣境肆殺掠民不堪命旋去復返是年八月營於白沙沱江濱瑤瑯場鄉紳李瑤齋督辦團務聚鄉民隔江拒之彼眾我寡又無多軍械不敢與戰迫乃捲席截木塗墨作偽礮以懼敵繼賊探知曰竹席柏木何足畏於是伐樹聯綴爲橋欲渡江瑤齋懼遣人星夜奔運太平寨礮礮至賊橋亦成乘其未渡擊之



橋折死甚眾並衝踏彼岸民房數間賊悸潰走鄉獲保全

石蓮花 縣東六十里有石壁不甚峻壁中有紋如蓮初放上端有洞二昔里人戴典五所鑿洞口記有鑿年及聯語年遠字跡模糊不可盡識合子石 明代古刹也距縣城七十里廟宇神像皆就巖修鑿地甚清雅春夏時被者頗眾清初鄉人募建上下兩殿殿側有二石形圓而巨自相重合相傳能療人疾患腰痛者蹲之立愈故又名蹲腰石時人以石有靈禱祈日盛伏夏尤多避暑其間瞰長江之浩渺挹雲篆之青蒼涼雲蕩胸興復不淺

洞口 縣東六十里龍門山正磴間有洞門狹可入一人中寬如屋宇每當酷暑居人多遊此以避炎熱

### 江津縣志

#### 卷一

名勝

五三

石橋鋪 縣東七十里明時建場於此適當驛道極繁盛後移馬駿此地祇民房數間改名曰鋪亦曰老場相沿至今未易

唐宰相墳 瑤璜場文昌宮上殿階前石坎高五六尺正中有一品當朝四字兩旁龍鳳雕紋精緻相傳爲唐代宰相墳

簡家洞 在七星鎮明獻賊之亂鄉民避難於此父老相傳難民麇集洞中不戒於火俱成灰燼洞深不可測曾有人燃炬尋源行三四里多支洞窪下處有溪澗洄游魚皆一二寸許色黎而瘦洞壁產石鐘乳天生磺土人不知無採取者

雲霧坪 在石筍山右高與相等見上名山相傳明邑人蘇氏閭族避難於此獻賊搜山已到大寨門忽雲霧漫天白晝成夜人行對面弗覩賊不



獲逞率眾去遂名

鶴鳴山 距永安場三里許高約百餘步其南怪石嵯峨山頂有廟曰祝家廟遠近傳爲有靈禱祈者眾每歲冬有鶴數千羣巢廟前林木早晚上下飛鳴聲達山表時人遂以鶴鳴名山

天生門 距金龍場十餘里在聖鍾坪西北與鶴鳴山遙峙沿坪一帶巖石嵯峨至此則宏開一域域之左右巨石相對如門形勢天然臨門西眺六合場山水市廛瞭如指掌清同治間粵匪遺黨竄入川境鄉人多扶老攜幼避亂此間以斯門爲險要也

護國寺 在金龍場十五里聖鍾坪之左地形峻險下斂上侈狀若香爐絕頂遙望九七五十一區境地歷歷在目當春夏時草木敷榮峯巒擁

### 江津縣志

#### 卷一

名勝

三

翠風景特佳舊志寺觀在玉印峯與樓臺山對峙

石海螺 在周楊場里許江濱亂石林立螺藏其間水漲石沒洪波撞激發聲嗚然

亮珠坡 六合場三里許地產亮珠皆成八角水晶體光潔玲瓏可作裝飾

集魚盪 板橋場里許陡灘下盪深不可測春夏間羣魚逐水爭上鄉人因用木板設閘使水橫流日正午魚皆躍上至板內於陡灘中遊戲忽撤去閘板水立涸魚不得出捕者不網釣常得多魚亦天然魚利也

埋佛寺 周楊場半里許有古廟遺址相傳建自五代梁武帝時不識何年傾圮佛像悉埋土中惟斷碣殘碑半出土外惜爲風雨侵蝕字跡莫辨



普門寺 相傳建於元時傾圮後鄉人移築於寺側之玉寶山今原處佛臺神像尙埋地中在板橋場八里許

巖洞 金龍場約五里有石巖闊可十餘丈深約四丈鄉人倚巖建屋環於洞下其石壁上刻有洪武二年水漲至此八字

煙燉堡 在石門場左巖石上明時曾設驛丞於此並置煙燉堡數處後廢遺址尙存

破巖石閣 縣西六十里聖鍾坪破巖口半山中大石橫當溪澗裂爲兩層中空高丈餘闊倍之兩岸壁立夾其左右宛然如屋水出巖後從石底流過下赴溪口鳴聲琤琮兩壁各有小口天光照臨夏涼冬溫宜於坐臥巖後泉眼細流曲折味甘色碧可以泛觴旁有石枕琴臺牀几等形類造

### 江津縣志

#### 卷一

名勝

五

物之所爲里人蹇滋善讀書其中有詩

詩云破巖大壑隈南山吐納清淑浮雲煙大石纍纍成窟宅巨靈結構眞天然重樓疊閣傍泉眼試以舌本皆甘泉亭有小口倒吸之嗑嗑有如鯨飲川冰穴更餘一丈地如室在後廳在前古來選勝鮮入室空中多竅能窺天白楊紫藤雜修竹點綴洞口增餘妍坐看山泉出山去灌得山南山北百頃田山下耕農利挹注生生世世不知有凶年物非吾有毫莫取但愛泉石靜且娟人詫南山多豹隱我慣抱石依雲眠睡餘長嘯振林木又聞泉聲琤琤似成連操水仙山水於人有定分固知澗泉一啜由夙緣今朝露白涼生且歸去明年炎夏還續逍遙篇



碑漕古洞 縣西六十里碑漕山中有古洞高丈餘闊如之深不可測土人秉燭往探約數里許有小溪伏流過石磴又十數里恐燭盡未窮其奧相傳可通壁山馬坊橋清嘉慶八年春大雨雹從洞口出後土人塞之草帽石 縣西南六十里羅壩場附近周望山麓石於夏日暴雨現草帽形晴不復見鄉人奇之因名

黃桷廟 縣西南八十里李市場附近廟有明時黃桷一株形狀最古枝幹穿插如龍蛇樹間別生花草竹木十數種人咸異之因以名廟老柏樹 縣西南八十里慈雲寺附近有柏三株傳爲明時所植

金注子 縣西南六十里周望山下昔有僧憩於此或告家貧無以養親僧思濟之躊躇間忽有鴉銜僧袖牽而上見石縫中有金注子一手不能取乃折石畔苦檀枝挑出至今蹤跡儼然

## 江津縣志

### 卷一

名勝

五

金釵影 縣西南六十里周望山下昔有孝婦周氏姑病渴思泉時天旱婦徘徊山下忽遇異人謂之曰與吾釵吾與若泉婦拔釵授之其人以釵投地清泉迸出婦得泉歸飲姑渴遂愈今石蹟中凹有淺水周圍五六尺金釵一雙隱隱可見李鑑有詩

詩云誰發靈湫石子岡迢迢一派接銀潢金釵尙見當年影玉椀曾分九夏涼自可和羹蘇病體還堪煮茗沃詩腸此中神物潛依久好起爲霖潤四方

范鎮村 縣西八十里樓臺山麓相傳宋范鎮嘗寓此後人慕之因以名村其實非也辨見人物志流寓



周于德墓 在縣八十里李市場附近碑記邊前明解元河南道監察御史墓也墓前碑記尙存字跡模糊莫辨

周望山 省志在縣西六十里邑人龔懋熙有記

記云古肇十二州必表十二山以爲之鎮焉蜀在禹貢爲梁州之域表於梁者則岷山是也然古今稱蜀者輒云峩眉天半而顧不列於禹貢何歟蓋禹服梁州之制峩眉僻在南隅周以梁爲雍阻固更合梁於雍而峩眉之南隅又甚矣至後代分梁爲犍爲郡爲建南道而峩眉在焉遂爲其郡山水冠冕然則十二山之封固必宅中以臨遠邇周望者而後當之乎泰山記秦觀者望見長安吳觀者望見會稽周望者望見齊以是爲東方之嶽稱又昭然已準斯以言一郡一縣亦必有名山水爲

### 江津縣志

#### 卷一

名勝

五

之表焉其建樹均也津幅員相距古諸侯大國也其間高山崑隆摩穹障日者不可勝數然而千里奔騰一突雄麗俯瞰大江遠帶城郭四至望之固不欽其偉秀者則惟周望山焉因其名繹其義以之表津治亦猶泰山之表魯乎山有招提恢闕璀璨昔罕其儷有僧某者年八十餘披榛住錫捐己鳩眾圮者作之存者飾之爲之不譁而成之甚駛旣訖工來徵予言爲記噫是所表於津治者功詎不偉耶遂應老僧之請而爲之記

能仁寺 縣西六十里聖鍾坪山後梁武帝時建歷經世變磚石原存者甚少所有碑碣亦幾經翻刻

二郎廟 在二郎尖山明時建廟中有臺圓石疊積而成高六尺餘俗傳



點將臺卽此

盤澗釣磯 金剛場附近福星砦砦上巨石刻有盤澗釣磯四字俗傳宋蘇東坡垂釣處

印盒盪 九如鎮八甲堰口下有石似印里人因刻印字於石今又名官水井緣甲申大旱鄉中取水於此久而不竭故名

插旗寺 原名白蓮寺寺中香爐上有文考之爲明洪化間所建相傳張獻忠寇川曾駐兵此地鑿石插旗事後里人遂更名插旗以誌兇殘

張公盪 距長沖場約五里深五丈餘口斂底闊每遇旱車其水卽雨高洞 張公盪側有石巖高約數丈內有石洞長沖河水分流至巖掩洞口落下瀑布高懸其聲隆隆達二三十里每值波濤震怒大雨必至

### 江津縣志

#### 卷一

名勝

五

禹廟墨龍 牛溪鎮禹廟前壁上不知何年何人所畫相傳至今已百三十四年墨蹟猶新

羅漢巖 吳灘場東十里許巖高八九丈上有溪水勢奔流湧下如懸匹練每大雨聲尤隆然達十餘里

寶鼎山 在稿子場附近詳上山脈半山一古寺寺右石盤名青灘石清初陳黃貓居灘側小洞常殺行人食之事見陳氏家乘

登雲山 蒲團石 化身爐 稿子場附近此山原名燈油緣山寺前巖壁罅中有油流出足供寺燃燈之用故名又有蒲團石高三丈餘寺後有化身爐高七八尺鄉處士楊臥雲有詩云縹渺名山有路通尋幽直入梵王宮泉從石壁流來曲月照花牆曬去空佛骨亂埋黃葉底僧衣斜掛白



雲中阿羅四萬八千塔我在蓮臺第幾重近鄉人常以山巔之明暗卜晴雨更名登雲山

鱖魚漑 太平場附近江濱有石酷肖鱖魚因名距城百五十里每歲水漲時有紅魚百十成羣鱗尾一色筌取烹食味極鮮美惟取處石狹只容一人他處取之則莫能得

魚箭灘 興隆場附近江濱石盤上有天星窩二廣俱數丈每歲夜合樹花時有羣鱣競逐灘流上躍如箭發集二窩中居人網取市之獲利較厚時過則無

殺人竈 興隆場附近一石長方面平如古竈相傳明末清初有黎氏九惡少捕人而食殺於石上因名殺人竈至今雨後猶見血痕童謠云黎氏

### 江津縣志

#### 卷一

名勝

五

有九子百姓不安寧卽傳其事竈右數武怪石嶙峋列爲石室名牛欄傳爲九子囚人處其下有石船石篇形俱酷肖

落魂臺 雙龍場附近有大盤石縱橫各里許突出江心上有古刹牆垣皆石五六月時洪水奔流盤石上駭浪驚濤勢極洶湧上下行舟時有傾覆每當世變盜匪嘯聚其間殺越于貨不知凡幾行人悸焉名曰落魂蓋以此也

石海螺 稿子場寶鼎山青灘石側有石中空徑寸許深尺俯而吹之音響殊絕因名相傳陳黃貓殺人必先吹之

草墩山 距城百四十里在太平場溪口形同倉庫全山皆石惟頂爲沙經多年水漲沖淘不敗山巔古樹一株四時不凋遙望如帽之有結堪輿



氏豔稱爲一場風水

漏灘 縣西百七十里近石盤場灘水伏流石下約二百餘步出自天然歷久不變

叢林寺 距城百八十里明萬歷時建寺供古佛三尊由何良柱在雲通寺並鐵鼎移來俱有萬歷字跡舊志寺觀叢林寺在縣西高寨坪

漏風洞 距城二百四十里在十全鎮西境與合邑連界處相傳昔王伯吉修養於此洞內著書尙存曾有人入而讀之出卽不能記憶欲攜向外昏迷不省世人卒不能得

拖刀記 距城二百四十里在漏風洞下大江濱相傳爲王伯吉與謝玄靈試道處今石上尙有刀痕

### 江津縣志

#### 卷一

名勝

五

千佛巖 巖有佛像千餘排列壁上無廟宇石壁上隱然有宋代建造字跡

石龍寺 近太平場寺前有石梁長約里餘狀若虬龍頭向大江相傳昔此龍忽欲飛動赴水突被雷劈成數段現在劈跡宛然舊志寺觀石龍寺

在縣西百四十里

鄰母洞 明代古廟也距三口場里許廟有楹聯二一在洞口云天下無

雙福地大明第一仙山額曰西蜀勝景相傳明建文帝遜國遊此題一在廟內云石徑舊尋眞孝子巖扉長護古先生此不知何人題有云昔李孝子葬母洞側聯以紀實故名鄰母宋宣和五年奉議郎劉幹爲之記

記云孝爲百行先孔氏之門授徒三千以孝稱者曾閱而已十八篇之



作曲盡情文後世學者誦說貫通曾不足以髮髯而躬行論篤則又渺焉故史官所記雖閭閻概紀爲卓行以誇耀時習豈夫子設科故以人之所本無者而矯強拂之哉孟子曰仁之實事親是也夫仁根諸性天非外立其德者顧所行何如耳渭陽之念陟岵之思詩人咏焉而左丘明論掘地及泉隧而相見爲頹考叔之純孝施及莊公者蓋霜露之感旣切而愛親之心有在也余頃嘗承乏恭南教官聞士人頗道李氏孝友行及識千里每見語及其永感則蹙額涕欲下嘗爲余言其少失父賴母兄之教及籍太學而兄喪母亡號踊露哭廢寢忘食每每在念乃知學孔孟者孝愛出於所性非矯揉以爲異也旣卜宅兆居廬於側庵名永慕亭名懷慈聊見其志且有赤兔巨蟒之異蜿蜒跳躑於庵亭間

# 江津縣志

## 卷一

名勝

卒

旣久免隱去惟蟒蟠踞砌戶千里且曰是將待春化而超騰於天衢者且衛吾母氏之墓使樵牧不敢犯其山神地靈出爲此者其庵亭不可居也旣乃四顧於邱隴上偶於數百步之外覲異趣焉於是披荆棘鋤叢翳則巖岸竦然洞穴開豁其高廣可容十百人上拔秀嶺下洌清泉四周修竹東垂瀑布蕭瑟潺湲之聲洞以虛容泠然善也千里撫掌喜見眉間詫曰天造地設吾以母故得之名曰鄰母以爲歲時享祭憩息所洞之陰北顧瑩域如指掌有鄉人爲之序且屬予記之於是爲書其本末以見千里之行發於至誠特取諸孔孟之教而無愧於丘明之所謂者

高洞 在白沙鎮驢子溪上游黑石山三里許巖前瀑布高十餘丈巖崿



有水磨爲磨麵碾油之用每遇久雨將晴或久晴將雨水必沸騰聲聞十數里鄉人因以占晴雨與他處之高洞異

澄清巖 在大江南岸白沙鎮上游八里相傳古有王孝子爲母取水烹茶時值洪流江水混濁孝子倚巖而泣突來一人指巖下曰此水澄清視之果然遂取歸旋復混濁因此得名清光緒間鄉人呈縣鑿澄清巖三字於壁

高洞 在嘉樂鄉三合場上游巖前瀑布高十餘丈如簾邑人宦相如有記

記云兩合口右上游四里曰高洞廣五十尺有瀑水三十尺懸空下蔽洞門如簾土人名之曰水簾洞竊以深廓有容自洞外窺水天一色而

江津縣志

卷一

名勝

空

阡陌廬舍園林桑麻之屬隱約於簾隙間若畫圖然己未仲夏同人有避暑之約挈搗提壺由洞左蟬聯入初極狹隘崖罅滲水濺衣欲溼進甫數武豁然開朗空闊可容百人清涼之氣沁人心脾暑氣頓消四周石壁嵯岈天然成象如琴書如劍佩如仙如佛如龍如虎千態萬狀惟妙惟肖雖神工鬼斧無以過也夫以瑰璋幽奇之境遠在荒村之間學士大夫裹足不前至今泯泯無聞於世抑何所遇之嗇耶然伏處巖壑抱璞守瑜不肯出其奇以示人而一任此滔滔者與江河俱下吾惜其巖岸之過峻也雖然吾又安知其非嶙峋芒角不合於時俗之眼有以致之乎於是席地而飲銜觴賦詩肴核既盡振衣興辭穿洞右出山銜夕暉言旋言歸記以張之



又詩斷崖懸匹練入洞聽琮琤流活來源遠灘高滴響清河從天外落人在水中行得此桃源地滄桑忘世情

中山 在縣南龍洞紫雲二場之間邑人宦民安有記

記云中山非古中山也在四川江津縣南百六十餘里介龍洞紫雲場

間紫雲一名魯家場初屬筍里十二都迨自治區畫後隸嘉樂鄉山脈出自黔

省經雙鳳場涼水井蜿蜒而西復折而北至玉皇觀結頂開中山原野如漁人撒網然其山峯巒聳翠溪水洄流吾宦氏歷代墳塋祠宇咸在焉自吾太高祖以至曾祖三世居此族人亦多聚處山之西北有後山西南有紅巖山均大山東北爲象鼻等小山東南爲山之出脈名母珠璫皆環繞斯山故以中名山之西澣名兩合口先世所施義渡在焉斯

### 江津縣志

#### 卷一

名勝

三

山於吾族關係甚重將何以名之曰吾族系出中山斯山以中名不啻吾族所自出也奚改爲雖然麻城之孝感鄉邑東之枝子坪今求之幾不能得吾人懲前毖後第使易世而後按籍可尋其庶乎盡之矣因作

#### 中山圖記

朝天嘴 距兩合口六里青葱秀拔玉筆插雲宦相如有詩

詩云勝境登臨第一峯雲山遼闊盪心胸舉頭鼻息通霄漢尺五天門近九重 千仞峯頭一振衣捫參我欲叩宸扉紛紛塵世多魔劫安得騰虛列太微

函谷石 縣西百里黑石山前兩石東西對峙如門高各數丈東壁上刻有函谷二字



應鐘石 金銀場天壽山頂有二石疊立上圓下空里人肖觀音佛像於內遠寺鐘聲傳入則應響鏘鏘然清澈可聽

天水池 在獅子山頂廣深約十餘丈無溪澗流注而池水常盈久旱不涸尤富魚產鄉人多利之

石老媽 卽雙鳳場後山之高峯形如媼首遠望之鬢髻儼然口鼻耳目俱肖故名

石和尚 在柏林場第一峯半山大石屹立形如番僧遙與石老媽相對石上有裂痕相傳昔被雷擊

華蓋山洞 縣南二百二十里有華蓋山上有華蓋寺古刹也基址神像猶存山半有石洞相傳昔人避兵之所清光緒初有某某鍊法於此邑令

### 江津縣志

#### 卷一

名勝

三

張少齋封禁之今里人呼爲神仙洞

棋盤石 金銀場梳子岡上有石高丈餘廣略等平滑如鏡上有圍棋局線歲久不滅相傳古仙人對奕處局邊腕跡猶顯

石筍 在雙鳳場附近冒雲山巔山峯瘦削如筍高入雲際絕頂蘭蕙叢生繁茂至極花開時幽香四溢數里可聞惟高峻莫能攀摘

酬洞 嘉昇鄉後河之瀦淵也三面峭壁石崖倒覆洞卽其下幽邃莫測每晴雨前水聲洶涌怒號聞數十里旱久鄉人斷流汲淵將涸大雨立至

屢試不爽

宋紹興字跡 龍洞場河濱大石上有宋紹興年間字跡其略云紹興辛未上元后一日李春用魚子仙程奇父李元龍泛舟尋幽偕來雪霽水肥



舟行夷猶徧歷風溪煙嶠之盛酒酣倚巖石長嘯雖景無十里而有探禹穴之快興盡遂返春用書延濟延義延源侍

活寶石 常樂廟後山上有石如卵高丈餘大數圍手觸似動名活寶石邑庠生劉鑑有詩

詩云常樂之峯高極天上有危石據其巔髻盤不斷成三疊纍纍相貫如珠聯鬼斧神斤削不就生成碗礪真靈秀山頭峙立幾千秋肯隨丘壑同傾覆我來見石心茫然下拜呼兄亦米顛君不見始皇鞭石石亂走鞭來此石是何年

伏龍岡 龍洞場後石壁正中橫書有伏龍岡三字右旁豎書有此山龍勢如青獅撲地故云十一字左有大明翰林院龔孟熙九字

### 江津縣志

#### 卷一

名勝

齋

第一峯 與華蓋山連竝然突出較諸峯爲最高上有玉皇廟廟前大石如蓮後有清泉白石穴流出冬溫夏涼四時不竭鄉人張峻森曾於石壁鐫華蓋清泉四字峯巔四望空曠目極千里俯視眾山如樓堙遊人多題咏惜散逸未易搜載清綦邑庠生王襄題第一峯三字於石峯由是得名兵洞 在雙鳳場轉龍山麓與華蓋山洞相通口有兩石對蹲如獸狀初入極狹進數武豁然開展有石牀石棹在焉夏日清爽留人再深進則冷氣冽冽砭人肌骨故莫能窮其底相傳昔人避兵之所故名

桂翰林坊 太和場洪村廟中有明時桂翰林坊年代湮遠字跡無存

按華陽國志道巴人質直好義士風敦厚有先民之流其失在於重遲魯鈍俗素樸無造次辯麗之氣津巴同壤雖處長江流域數十年前風



氣悶如蓋猶有山國之習尙焉常璩之言不誣也今則飈輪深入腹地  
商學人士乘之遠涉雖重洋萬里而近若比鄰計其發達寧有涯乎惟  
民國來寇匪如毛界黔邊者田宅荒廢如混沌初闢獻賊而後僅見此  
酷蕭條極矣

江津縣志

卷一

名勝

奎

